

TSEL A YA MOPOROFETA

WA NNETE WA MODIMO

 Kgele, dumelang hoseng hona, metswalle. Ke hoseng ho hotle, le nako e monate ho ba mona. Ke thabetshe ho phela hoseng hona, le ho ba mona le phutheho hape. Ho na le dintho tse ngata hakana tse ka llahang nakong e kgutshwane hakana. Mme ha re tsebe mohla re tla biletswa, ho arabela, hodimo Lekgotleng le leholo. Mme re batla ho dula re lokile nako le nako, re tle re be le kgotso.

² Mme ke thabile haholo, jwaleka ha ke boletse. Hoba, Sontaha bosiu ke ne ke le mona, mme ke bua le batho...Ka rera Sontaha bosiu, mme ke batla ho leboha Moena Roberson, bohole la letska, ka ho thabela Molaetsa oo wa Sontaha bosiu, "Re ruile dintho tsohle." Mme ka hona ka...Ka nako tse ding ke ne ke sa hopola ke tla bua, haese ho theoha le ho sheba Moena Neville. Mmetso wa hae—hae o batla o bobola tlase mono. Ka nahana, "Moena wa batho, ruri ha a ka mpitsa bosiusing bona, ke tla thusa, kapa ke etse sohle seo nka se kgonang." Hoba, ke seo e leng sona, ha o kgathetse mme o tjhele lenseswe, mme o ne o reric ka thata hoseng hoo. Mme ka baka leo ka—ka bua bakeng sa hae Sontaha bosiu. Mme ka baka leo re—re a...Ke le leboha, haholo.

³ Jwale dikopo di ngata, ba rialo, tsa thapelo. Mme ka hona ha re ba hopoleng, pele, dikopo tsena tsohle. A re inamiseng dihlooho tsa rona jwale.

⁴ Ntata rona ya Lehodimong, ho ngodilwe ho thwe re lokela ho kena diphushehong tsa Hao ka diteboho dipelong tsa rona, ho tsebisa dikopo tsa rona diphushehong tsa Bahalaledi. Mme re na le tse ngata tsa tsona, hoseng hona, tse ngata haholo, hoo re sa tsebeng mokgwa wa ho O tsebisa tsona, empa O a di tseba. Mme tse ngata ha di a bolelwang. O a di tseba, le tsona. Ka hona, re rapela ka dipelo tsa rona tsohle, jwaleka ha re entse Sontaha se fetileng bosiu bakeng sa Kgaitseidi Shepherd, Moena Shepherd, ngwana. Mono nakong eo...Ho kgutla hape, Moya o Halalelang wa re, "Ha a na polio. O tla itokela." Re fuwa kgotsofalo e ka kakang ha re utlwa ho tswa ho Wena.

⁵ Jwale hoseng hona re O kopa ho tla hlokomela dikopo tsena tsa bolwetse, lelapeng le utlwileng bohloko, ho baratuwa, le bohole ba boletseng, Ntate. Re O rapela ho hopola e mong le e mong. Mme ke llahisa thapelo ena, le thapelo ya batho bana, ka pel'a Hao; ho phutheha mmoho, le ho lebiswa ho Wena, ka Lebitso la Jesu Kreste. Re utlwe, Ntate, re a rapela. Amen.

⁶ Ke batla ho leboha e mong le e mong wa lona ka dithapelo tsohle tsa lona ho nna. Ke sa le...Le a tseba ke phatlohetswe ke nthwana lebaleng la ho thunya tlase mane. Mme Satane a leka ho mpolaya. Mme—mme, ehlile, a ke ke a e kgona. Empa Modimo o na eso qete ka nna. Ka hona a ke ke a kgona pele e fela kaofela. Mohla Modimo a qetileng, jwale ke lokile. Empa ke...Motswalle wa ka e motle, Moena Woods, tlase mane, ke mehauhelo ya Modimo feela, ho seng jwalo a ka be a fumane tlase ho tloha *mona* ho ya tlase, mme e seng ho tloha *mona* ho ya hodimo. E le qhomane ya ditone tse hlano kapa tse tsheletseng pel'a sefahleho sa ka ha *kaalo*, ka mokgwa *oo*. Ye se ke ya ntematsa le hanyenyane. Le a bona? Haese ho ngwapa sefahleho sa ka hanyenyane. Ka hona, be, e fetile yohle jwale, haese lethebana le le leng feela *mono*.

⁷ Ka hona, ke batla ho leboha Moena le Kgaitsedi Dauch ka mona. Moena Brown, le bao, ke utlwileng ka moqoqo wa mohala ba ile ba kopana, sehlopha sa batho, le ho nthapella. Mme eo ntho ke nngwe, e etsa se seng ho wena. O a tseba, o rapella ba bang, le ntho e nngwe le e nngwe, mme ha o fumana motho e mong a nts'a o rapella ha o e hlokang, e kgolo haholo. Mme ke a tseba bongata ba lona ha bo a letsa, kapa le letho feela, empa le entse jwalo. Mme ke taba e kgolo ho rona. Mme ke ka hona ke...e sa ntshang kotsi. Modimo o mphodisitse. Mme ke leboha haholo.

⁸ Jwale, ke na le ditsebiso tse itseng pejana re hlohonolofatsa bathwana bana. Jwale, bosiung bona, ho na le tshebeletso tabernakeleng mona. Mme bohole ba tl Lang tabernakeleng mona, tloong hantle tshebeletsong mona. Mme ka hona re...Ke tla buella Moena Ruddell, bosiung bona, hodimo mona mmileng o moholo, e mong wa baena ba rona ba etileng. Mme hape, hang ha ke kgutla, ha nka thola bosiu bo bong, ke batla ho ya ho Moena Junie Jackson. E ntoo ba moena eo Sellersburg, re namile ho yena ka bosiu hodimo mono, mme ka hona re batla ho nyoloha ho ya mmona. Le moena kwana Utica, ho fumana masiu ana ha re kgona.

⁹ Vekeng ena ke ya Green Bay, Wisconsin, jwaleka ha le tseba, sebokeng sa lebatowa sa Evangeli e Tletseng ya Borakgwebo.

¹⁰ Sontaha se tl Lang, ke sekolong se phahameng seo, hodimo mono, moo ke neng ke etetse kgetlo la ho qetella mono. Ke lebala lebitso la odotoriamo ya sekolo se phahameng seo. [Moena o re, "Mather."—Mong.] Ke eng? ["Mather."] Mather. Stephen Mather. Yeah. Ke hantle. Odotoriamo ya sekolo se phahameng.

¹¹ Mme hape, Mantaha, ke kena sebokeng hodimo moo ke neng ke buisana le mokgatlo oo wa bareri Chicago, kgetlo la

ho qetela mono. Re mono ka kopano ya ho dumedisa Moena Joseph Boze, ya yang Tanganyika. Tanganyika, ke kgolwa a e bitsa jwalo. Le Kenya, le Durban, le ho haola mono, ho rala dihlophiso tsa dikopano tsa ka tse hlahlamang ka hwetla; le Afrika, le ho haola Afrika Borwa. Mme hape re le kopa ho re hopola thapeleng dikopanong tsena. Ebe re a kgutla.

¹² Mme ha ke tsebe moo ke tla fumana nako, letsatsi le leng tabernakeleng, kapa tjhe, pele re ya Carolina Leboya. Mme hape, ho tloha moo, ho ya Carolina Borwa. Mme e ntoo ba tsela yohle ya Cow Palace kwana Los Angeles, South Gate. Mme ke hona moo ke tshepileng ho ya teng le ho bona Mongh. Weatherby, yena ya entseng sethunya seo tholwana e qhommeng ka hara sona.

¹³ A sa ka a siela hlooho lehahla le lekaneng, mme a dumelle kgaketla ho tjhetjha ho ena le ho kgorohela pele. E ne e le sethunya sa kgale seo ke mo romeletseng sona. A se phunya lesoba, he, mme a se fetolela sethunyeng sa mofuta o mong. Ka hlahlela kgaketla kahara sona, ho se phahamisa ho thunya, mme sona, be, ya phatlollela sethunya dijareteng tse mashome a mahlano ka mathoko ho nna, ka tsela eo, sa qhibidiha letsohong la ka. Lopo ya wela koo moleng wa jarete tse mashome a mahlano, boutu ya wela kwana ka mora letsaba la kgama, dijarete tse mashome a mararo, tse mashome a mane ka mora' ka, mme diphatsa tsa ebola makgapetla a difate le ntho e nngwe le e nngwe. Ka hoo e le haufi ha *kaalo* le leihlo la ka, ntho e ka bang intjhi e le nngwe feela, moo se phatlohileng jwalo. Mme hola sa phatlola . . .

¹⁴ Mme sethunya seo se kgona ho tiisetcta kgatello ya diponto tse dikete tse tsheletseng mashome a robong, ka bosona, se sa phatlohe. Ka hona o ka nahana hoba e ne e le kae, ho etsa jwalo. Mme hopolang, ha e kgona ho phatlola ntho eo, e ka be e phatlotse hlooho ya ka le mahetla, le a bona. Empa Morena keha a eme mono, ho se e dumelle ho ntsha kotsi, ya nngwapa sefahleho feela. Mme phatsanyana ya kena tlase lephako la leihlo la ka, ya etsa sedikisi ponong, ka hona ha e a ama pono, moo phatsa e keneng teng. E nngwe ya diphatsa tse kgolo e ileng ya qawa lehateng ya kwekwetla leihlo ya pota leihlo, ya se ke ya kena ka hara leihlo, ho phatlola. Oh, kgidi!

¹⁵ Hase kgale haholo, le a hopola, ha ke le bolella hobane O kopane le nna ka phaposing, le ho re, "O se ke wa tshaba, hoba Sefahleho se sa hloboheng sa Jesu Kreste se na le wena ka mehla." Le a bona? Le a bona? Ka hona e a paka, hore O teng.

¹⁶ Ngaka e hlahlobileng leihlo la ka Louisville, e itse ba ngoletse Ngaka Sam Adair tlase mona, motswalle wa rona, mme ha thwe, "Ntho e le nngwe eo nka e buang, ke hore Morena o ne a dutse mono hoseng hoo le mohlanka wa Hae ho

mo sireletsa, ho seng jwalo a ka be a se na hlooho le mahetla.” Ka hona, O bile mosa haholo ho nna, mme ke ananela seo. Hoo ho nkugulela haufi. Hoo ho etsa phapang kamehla.

¹⁷ Mme yaba, matsatsi a mabedi ka mora’ moo, matsatsi a mararo, hoba ke tlohe ho kena kopanong ya ka, moo ke neng ke laeletswe teng Canada, monna, a sa tsebe letho ka sena, a ntetsetsa, mme a lokela ho fetisetsa kopano pele. Le a bona? Nka be ke le tseleng ka ntle mono, hola ntho eo e sa etsahala jwalo. Le a bona? Mme ka hona ho letsa, mme ke lokela ho nka kopano, kopano ya Canada. Mme e tla ba ka Phupu, diveke tsa ho qetela ka Phupu. Ebe ke tswelapele ho ya Dawson Creek, e nto ba Anchorage, Alaska, ha Morena a rata.

¹⁸ Jwale, ha ho le e nngwe ya dikopano tsena eo ke etellwang ho yona, le e nngwe. Empa ha ke kgone ho nahana ka ho dula lehlabula lohle mona, ke dutse mona, mme batho ba shwa hohle. Ke lokela ho jala dipeo, e leng kae, ho sa tsottelehe eng. Haeba e sa mele, haeba dinonyana tsa lehodimo di e thonaka, seo e ka bang sona, ke batla ho jala dipeo, hoba O mphile tse ding ho jala. Ka hona ke—ke tla jala peo le hona. Jwale, re na le nako mona eo ke . . .

¹⁹ Batho ba bangata, seo ba se bitsang, “kolobeletsa” masea tumelong ya Bokreste. Be, hoo ho itoketse, ha le etsa jwalo. Ho ho ho wena. Ehlide, ha ba ba kolobetse. Ba bafafatsa ka metsana feela. Empa, ho nna, ke rata ho dula le seo Bibele e itseng se etswe. Ha ho le jwalo, seo Lentswe le se boletseng feela, ke seo ke batlang ho se etsa, seo E se boletseng. Mme, jwale, ha ke—ke fumane sebaka Bibeleng.

²⁰ Ka Testamenteng ya Kgale, ba ne ba tlisa bana lebollong la nama, ba batonanyana, mme a ntoo nyehela nyehelo ya hlatsuo, maebakgorwana a mabedi kapa konyana.

²¹ Empa, kahara Testamente e Ntjha, sebaka se le seng moo nka e fumana sehopotsa tshebeletso e kgolo ena ya . . . E ne e le hlohonolofatso. Ba ne ba tlisa masea ho Jesu, mme A ba nke matsohong a Hae le ho ba hlohonolofatsa. Ke seo batswadi ba se entseng ba letsatsi la Hae. Mme bophelo ba Hae e ne e le mohlala wa seo re lokelang ho se etsa. Le a bona? Dintho tsena O di entse e le mohlala.

²² Jwale, re nka bathwana bao feela, mme ba ba tlisa ho rona, mme re ba nehela Modimo, le ho kopa mahlohonolo a Modimo hodima bona, le ho rapela thapelo ya kgethelo ho tswa ho mme le ntate, ho Modimo, ba sa nyehela ngwana’ bona. Mme . . . kapa ho ba hlohonolofatsa ka Lebitso la Jesu Kreste, ho fihlela ba hodile ho kolobetswa ka Lebitso la Jesu Kreste. Mme jwale, O itse, “Sohle seo re se etsang ka polelo kapa ka ketso, se etseng ka Lebitso la Jesu Kreste.” Ka hona—ka hona ke seo re lakatsang ho se etsa.

²³ Mme jwale, ha kgaitsei ya rona a sa letsya thokonyana ena hasesane, kgaitsei, mona re na le, *Ba Tliseng*. Mme bomme le bontate ba nang le maseanyana a eso kgethelwe Morena, ha le ka ba tisa jwale, nakong eo phutheho, re ba binela hasesane jwale, sefela. Yeah.

Ba tliseng, ba tliseng,
Tlisang ba banyenyane ho Jesu.

²⁴ Ke rata bathwana bana. Ho na le ntho e nngwe e mosa ka bona.

²⁵ Ke a kgolwa enwa ke Moithali wa makoma. Hase yena na? Ke hantle. Lelapa la Moithali, ba mmalwa ba lokelang ho hlohonolofatswa. Kgaitsedinyana wa Moithali ho tswa, oh, ho tswa Chicago, o teng mona. Ho re, “Lena ke lelapa la Moithali, hoseng hona, empa nke ke ka rera.”

²⁶ Lebitso la hae ke mang? Jonathan David, lebitso le letle ha kakang! Jwale, Jonathan. O itse mong'a hae o na ena—le lebitso la Moithali, mme a ena le . . . O batla hore lesaea la hae le rewe lebitso la Bibele.

²⁷ Le a tseba, ho kile ha ba le Moithali e moholo Bibeleng, ya bitswang Kornele, ka mohla, le a tseba. A ena le lemulwana, a lokile, a abela batho, athe e ne e le Moditjhaba, le hona. Le tseba pale. Mme ka tsatsi le leng Lengeloi la etela tlung ya hae, la mo laela ho romela ho lata monna ya neng a tseba leano la Modimo. Mme a . . . Le tseba pale. Mohlang, a beileng batho bao tshabong e kana ya Modimo! “Yare Petrose a sa bolela Mantswe ana, Moya o Halalelang wa theohela hodima bona.” Ke hantle. Ke rapella lesea lena ho ba monna wa mofuta oo, lebitso le tshwanang.

²⁸ Jonathan, bottle! Na nka mo nka? Tloo kwano, Jonathan. Kgele, ke kgwabinyana e kakang ya tswekere ho lelapa lena!

Ha re inamiseng dihlooho tsa rona.

²⁹ Ntata rona ya Lehodimong, ho se ho fetile dilemo, ho latela pale eo ke sa tswa e phetha, ya monna e moholo ya bitswang Kornele, e beng e le monna ya molemo, ya lokileng, o ne a lefa diabo mme a rata Modimo. Mme Lengeloi la Modimo la etela ntlo ya monna eo. Oho Modimo, re nehela ho Wena, hoseng hona, Jonathan David e monyenyane. Ke a rapela, Ntate ya Lehodimong, hore jwaloka ha ke mo nkile matsohong a mme le ntate, ba mo nehelang Wena. . . . Ke nyehela thapelo ena ya kgethelo ya bophelo ba ngwana bakeng sa bophelo bo sebeletsang Wena, lehlohonolo lelapeng, lejwe le leholo la kgato ho Kereke. Fana ka sena, Ntate. Ke O nehela Jonathan David e monyenyane, ka Lebitso la Jesu Kreste. Amen.

³⁰ Modimo a le fe mohau wa Hae le thuso ho mo hodisetsa tshabong ya Modimo.

O hlohonolofatswe, Jonathan David.

³¹ Jwale, enwa mona, kgele, o monyenyanne haholo, kapa na ke ngwana? Moshanyana? Kgele, moreri e mong ya tleng, ke a tshepa. Lebitso ke mang? Micah. Micah. Ke bua ka yena hoseng hona. Micah Edward. Edward, ke lebitso le letle leo. Jwale, mosadi wa ka a ka etsa mosebetsi o motle ho mo tshwareng, hoba kamehla ke tshaba nka ba roba ha ba le banyenyane. Le a bona? Ke mothwana ya mosa ha kakang, mahlwana ao a thalatsa feela. O monyenyanne hona. O mokae? Kgwedi e le nngwe.

Ha re inamiseng dihlooho tsa rona.

³² Ntate ya Lehodimong, batjha ba babedi bana ba boela ba nyolohela mona ho nyehela ho Wena tholwana ya kopano ya bona ya bophelo O ba fileng yona, ho e hodisetsa tshabong ya Modimo. Hlohonolofatsa Micah e monyenyanne. Modimo, ke O rapela ho mo etsa monna ya jwaloka Mikea ka Bibeleng. Fana ka sena, Ntate. Mo abele mahlohonolo a Modimo. Hlohonolofatsa ntatae le mme, le ho etsa tshusumetso lefatsheng mona, lejwe le leholo la kgato tseleng ya Kreste. Mme jwale, mona, Ntate, ke O hlahietsa, ho tswa matsohong a ntate le mme, ho ya matsohong a Modimo, Micah Edward e monyenyanne, ka Lebitso la Jesu Kreste. Amen.

³³ Morena a mo hlohonolofatse, le hlohonolofatswe, ntate le mme, ho mo hodisetsa tshabong ya Modimo.

Ke a kgolwa ke yona. [Sekgeo lebanteng—Mong.]

³⁴ Oh, ke mpa ke rata bathwana bao, e mong le e mong. Hoo, e mong le e mong, ke lesea le letle ka ho fetisa lefatsheng. Ha ho hlokehale feela...Mohla ke ne ke isa Joseph e monyenyanne hae, e ne e le, ka botshepehi, mothaka mobe ho feta eo nkileng ka mmona, empa nna le mmae ra mo hopola e le poropotlwana. Empa ho jwalo, le a tseba. Eo ke...Re nahana jwalo feela.

³⁵ Ke a ipotsa, hoseng hona, ditho tse ding tsa rona mona. Ho bile le e—a...Jwale, leihlo *lena* le na le belladonna [tjhefo-Moft.] ka hara lona, e le rothofatsang haholo. Empa Kgaitsemi Nash...Ho botsa mabapi le Moena Nash; ke a ipotsa o ile a itokela na. Na...Ba teng mo? Oh, be, ee, o teng. Ho roriswe Morena, Moena Nash. Hoo, ke bottle.

³⁶ Jwale, Kgaitsemi Edwards, na o teng mo? E...Kapa, Kgaitsemi Shepherd, ya na nkile mothwana, ngwanana ya kulang, na o itoketse jwale? Ho hotle. Ke fumane ditaba, mme mothwana eo a batla a saletswe ke metsotso e mehlano pele ke kenya batho, ba tswang ka ntle ho motse, hlahllobong ya sephiri. Ka mathela ka phaposing le ho rapela, mme ba re ngwana o ne a tshwerwa ke polio, diphaka le meomo di satalla. Mme ka mathela ka hare ho rapela, le ho re, “Ke tla ka mora kereke.” Ho bolella ho Loyce ho lets a hape le ho bolella

mofumahadi ke tla fihla mono ha kereke e tswa; ha eba a mpatla, ho mpitsa. Mme eitse ha ke kena ho rapela, Moya wa re—wa re, “Ha ho polio. O tla itokela.” Ka theoha, be, ra rapela bohle kerekeng mona. Yaba ho fedile.

³⁷ [Kgaitsedi o re, “Moena Branham?”—Mong.] E, mofumahadi. [“Re ne re ile ngakeng ka Mantaha, hoba o mo rapelle la pele, mme pleurisy yohle sefubeng sa hae e tlohile, e nyametse mmetsong wa hae.”] Ho roriswe Morena! Thapelo e fetola dintho.

Ho re, ha a yo mona, hoseng hona, o teng, mokgwenyana? Yeah.

³⁸ Sontaha se fetileng, kgetlo la ho qetela ha ke ne ke rera mona, Sontaha vekeng, thaka le leng le ne le dutse mona; ka nna ka mo sheba. Ka nahana, “Ke tlamehile ke be ke tseba mothaka eo.” Mme ka fumana, e le mora wa motswalle eo re keneng sekolo mmoho, Jim Poole. Kgele, re hotse mmoho, re sa le bashanyana ba banyenyane, ho tla jwalo. Yena eo ke hlahetsweng ke kotsi ya sethunya ke ena le yena, mohlang oo, mme le yena a hlachelwa ke e nngwe, homme motswalle wa ka. Ke a tshepa nka tataisetsa thaka leo ho Kreste. Ke lekile ntatae ka thata. Ke a kgolwa ke tla kgona, le jwale, ho mo kenya ka hare. Ke a tshepa nka tataisa thaka leo. O ne a ena le... Ke ile ka sheba nqa ho yena. Mme yaka o na le ntho e ntle, seo jwale ke se bitsang (le se etse tlhahiso mothong e mong), empa, ho thothomela moyeng wa hae, maikutlo a monate. Ke kgolwa ho sa tlo qosa haholo ho taisetsa moshanyana eo ho Kreste. Ka hona ha re mo rapelleng. Ke hantle.

³⁹ Mme, moena, le a bona, motho e mong o ne a kula, kapa ntho e nngwe, eo ke lekang ho e hopola.

⁴⁰ Leha ho le jwalo, re rapella bohle. Mme ha ka dinako tse ding... Ha le romela kopo, hopolang, hang feela ha ke e fumana... Mosadi wa ka o ka phaposing kae-kae, ke a kgolwa, ka hona o a tseba. Hang feela ha ke amohera kopo, ke toba letsabeng la ka, ke kena thapeleng, le ho dula mono ho fihlela ke utlwa ntho e nngwe. Feel a ke tele.

⁴¹ Tsatsi le leng, mohla Sam, Ngaka Sam, a na ntsha ntho eo leihlong la ka, o ne a leka jwalo, mme a utlwa bohloko haholo, a lokela ho bea thawele hodima sefahleho sa ka. Ho re, “Ha ke a lokela ho bona madi a motswalle wa ka.” Ho re... Mme ka tola hara wona, le a tseba. Empa a re, “Ha ke kgone ho e etsa ke ntse ke sebetsana le lona.” Le a bona? Mme ka hona a e ntsha. Mme tsatsi le hlahlamang keha a le kokelong. Ka hona ka mo rapella, mme a tswa a itoketse.

⁴² Mme yaba tsatsi la bobedi, mosadi wa hae, ba sa tsebe le se phoso ka yena, ba hopola a ne a tshwarwa ke polio. Le a bona? Ho re, le ho re... Le ho mo rapella, mme jwale o phetse o

lapeng. Ka hona ra kena phaposing, Ngaka . . . Ra kena ofeising, mme a . . . Ra kwala lemati, ho re, “Jwale, Moena Bill, ke tlilo o kopa ntho e nngwe.” Ho re, “Na o ka rapella nna le Betty?”

Ka re, “Ha re etse. Ha re rapele.”

⁴³ Ka hona, ke yena eo Morena a bontshitseng pono, ya hore tleliniki e hahuwe kae. Lona, le sa hopola pale eo. Ha eba le e belaela, le ka feta mme la mmotsa ka nako e nngwe. Yeah, ho re feela, “E re feela motho a kene.” Ho re, “Ke e boleletse batho ba dikete tse leshome.”

⁴⁴ [Moena e mong o re, “Moena Branham?”—Mong.] E, moena. [“Ho ba leng mona hoseng hona le ho kenya tumelo e ngata dipelong tsa ba bang: hoseng ha Sontaha sa Paseka, o ile wa bitsa moyo o kgabane mona, wa boraro, e le monna. Wa re o tswa Seymour. Mme wa re, ka tlolo ya Moya o Halalelang, ‘Ba o bitsa ‘Bill.’”] Ke tseba monna eo. Ke mo tseba hantle haholo. Mme hoba re tlohe mona, lebitso la hae ke Isaac. Ehlide ba mmitsa ‘Bill.’] E, monghadi. Le a bona?

⁴⁵ Hantle-ntle lebitso la hae ke Isaac. [Moena o re, “Ke hantle.”—Mong.] Empa ba mmitsa Bill. [“Ke hantle.”]

⁴⁶ Moya o Halalelang ha o etse phoso. Ha o tliale. Jwale, mona, motho e mong o ne a bua, ho re . . . “Ke—ke mashome a mahlano a metso e meraro, le tharo, dilemo tse ka bang mashome a mararo le motso, ka mora sefala, mme ke Mmone dinthong tse dikete tse mashome.”

⁴⁷ Maobane, ke ne ke theohile, kwana tlase-tlase, Kentucky e borwa, hantle moeding wa Tennessee, mme ke dutse mono ka hara mokorwana le Moena Daulton, eo Morena a mmuseditseng bana ba hae bohole. Le hopola hoseng hoo mona, mohla a ne a tsamaya. Mme a re, “Moena Branham,” ho re, “ke kgolwa ho ka ba boima ho wena ho lekanya.”

⁴⁸ Ka re, “Oh, Moena Daulton, mashome a dikete atisa ka mashome a dikete a dintho tse kang tseo.”

Ho re, “Hobaneng o sa leke ho ngola buka” (Ka re . . .) “ka yona?”

⁴⁹ Ka re, “Oh, kgidi, Moena Daulton, e ka—e ka tlolela ka nqane ho mokorwana wona mona, ensatlopedia, divolumo feela tsa dibuka tsa tseo ke boneng Morena a di etsa. Mme ha A eso hholehe le hang, o a bona, le hang; empa, ka phetheho nako le nako.”

⁵⁰ Ke a bona, ke a dumela jwale, ha ke sa fose, moradi wa Moena Shepherd, ya apereng mose o kang o mmala wa lamunu. Ke kgolwa jwalo. Ke ile ka ema, tsatsi le leng. A theosa, mme ka hopola ha nka tshoha ke palamisa ngwanana ya phoso, yaba ke a tsamaya. Ka baka ke nna ya neng a ema, kgaitsemi. Ka—ka hopola e le moradi wa Moena Shepherd, mme ke tla mo palamisa, hoba ka hopola ha koloi ya hae e robephile kapa

ntho e nngwe. Re ne re tloha, ho ya lata Becky. Mme ka hopola e ka ba ngwana ya phoso. Empa jwale ke mmone a dutse le bona mono, ka baka leo ke—ke dumela e ne e le ngwanana ya nephahetseng. Ka hona ke nna ya na ema mono mme a ntoo tsamaya.

⁵¹ Ka hona, motho e mong le e mong o rata Morena Jesu? Oh, ho a babatseha! Ho hotle mme ho kgabane. Amen.

⁵² [Moena Neville o itse, “Moena Willard o sa tswa kena.”—Mong.] Be, Moena Willard, re thabetse ho ba le wena ka hare. Mme o shebeha o le motle, le hona, ho ya kamoo ke o bonang. Bobedi ba rona re batla re hwamme, sefahlehong. Ekare ke otlilwe ka tse ngata. Mme ke bone Moena Willard bosius boo, mohla a ne a robetse, mme ruri ka botshepehi, a shebeha a tshabeha. Empa hoseng hona o shebeha o le motle haholo. Mme re rorisa le ho tlotlisa Modimo ka hona, moena. Amen. Le a tseba, Diabolosi a ke ke a re bolaya pele Modimo a re, “Tloo jwale.” Ke hona re batlang ho tsamaya he, ha ke re, Moena Willard? Ke hantle. Pele ho moo o leka lefeela. Ke phetho. Morena Jesu ke thuso ya rona le setshabelo sa rona.

⁵³ Jwale mona ke a bua, athe ke tshwanetse ho rera dihora tse tsheletseng hoseng hona. Le a bona? Feela . . . Jwale, ha re a tsebisa, ha re a ntsha diteketse, le dintho, hoba ke se ke tsebisitse ke sa tlo ba teng mona. Empa, ho theoha feela le ho thusa Moena Neville, le ho le bona bohole hape, le ho ba le nakwana ya bolekane.

⁵⁴ Mme Sontaha se fetileng bosiu, Moena Roy Roberson, ha ke tsebe o teng ka mona, kapa tjhe. Ha ke kgone ho sheba hantle ha eba a le teng. O ile a ntsetsa, a mpolella ka Molaetsa.

⁵⁵ Mme motho e mong a letsa, ho re, “Ke ile ka ipotsa ha o ne o bua ka ‘Modimo re file dintho tsohle.’” Le a bona? O entse jwalo. O re file bophelo. Ako leke ho bo reka. O re file lerato. Ako leke ho le reka. O re file thabo. Ako leke ho e reka. O re file kgotso. Ako leke ho e reka. Ha ho mokgwa wa ho e reka. O ke ke wa e reka. Yaba ke re O re file lefu.

Motho a letsa a re, “Moreri, ke ne ke ipotsa moo o lebisang teng ka seo.”

Ho re, “Ka nahana, ‘Uh-oh, mona mona Moena Branham o ithathetse kgetlong leo.’” E seng ha Bibele e rialo. Le a bona? Bibele e ise O re file lefu.

⁵⁶ Jwale, re ka etsang ka lefu? Le a tseba, Pauluse mohla a fihlang lefung, o itse, “Oho lefu, tsenene ya hao e kae?” Lefu ha le re laole. Re a le laola. Hantle. Re filwe dintho tsohle.

⁵⁷ Mme hape ka etsa papiso ya kamoo Iseraele, mohwantong o yang lefatsheng la pallo, ba eso bone lefatsheng leo. Ba sa tsebe letho ka lona. Ba mpa ba ena le tshepiso ya Modimo, lefatsheng le ne le le teng, mme le ne le kolla lebese le dinotshi, mme le le

letle, mme—mme e le tulo e ntle. Mme e ne e le yona. Ba eso le bone. Ho se motho ya kileng a fihla mono, kapa a tseba letho ka lona. Empa ba ena le tshepiso ya lona. Mme ka tumelo ba jaka lehwatateng.

⁵⁸ Mme eitse ha ba fihla moeding hantle, ba ena le mohale mono ya bitswang *Joshua*, e leng ho re, “Jehova Mopholosi.” Ka hona a tshela Jordane, ho kena lefatsheng la pallo, mme a kgutla le bopaki hore lefatshe le teng mono. Ke rata hoo. Mme e le lefatshe le letle. Banna ba babedi ba jara lesihla la merara. E le lefatshe le letle, ka hona a kgutla le bopaki ba hore lefatshe leo ba neng ba tla le rua le ne le le teng mono.

⁵⁹ Jwale, ho Kereke, re leetong le yang Lefatsheng la bohloleho, Lefatsheng leo lefu le leng siyo, Lefatsheng leo ba fu ba tsoswang. Mme re bile le Mopholosi e moholo ka diahelong tsa rona. *Jesu* ke ho re “Jehova Mopholosi,” Moratuwa. Mme O tshetse Jordane ya lefu, ho kena Lefatsheng le leng, le ho kgutla, le ho kgutla le bopaki hore re a phela ka mora lefu. Amen. Ka hona lefu le kae?

⁶⁰ Mme O bile o re neile dintho tsohle. “Jwale re na le tebeletso ya lefa la rona. Hona hoo...” Jwale mamelang ka hloko. Mme ha ke rere ka sehloho seo, se mpa se utlwahala monate ho nna jwale. Le a bona? Hore, re na le tebeletso ya hono. Hoba, tsatsi le leng re ne re tsamaya sebeng; mme ka mora ho kolobetswa ka Lebitso la Hae, le ho tsoswa le Yena tsohong, re ntshitswe sebeng, ha re sa batla ho kgutla hape. Le a bona? Re tsositswe sebeng, ka bopaki boo re bo tshwereng. Ke mokana re se re kene tsohong ho tswa lefung lohle. Le a bona? Ha re fela re kgonne ho tsoha sebeng, ka tumelo ho Yena; mme sebe se le teng, ke mang ya ka batlang ho kgutlela meqomong ya matlakala a sebe hape? Le a bona? Re tlohile lefung ho kena Bophelong. Le a bona? Mme eo ke tebeletso. Amen. Eo ke tebeletso ya tsoho e tletseng, lefu lohle, la nama. Mme ka moyo, re se re hlotse lefu la moyo, hoba re tlohile lefung ho kena Bophelong.

⁶¹ Mme ke mokana Elia a theohetse Jordane tsatsi le leng, mme a e phutla, a ena le Elisha, mme ya phetleha, a ba a tshela. A kgutla ka dikarolo tse pedi.

⁶² Mme ha re phutla Jordane, le Kreste, re tshwere karolo e le nngwe, empa ha re kgutla, re tla re tshwere dikarolo tse pedi. Re na le Bophelo Bosafeleng, tsoho sebeng, jwale, ka ho loka ho leng teng ho Moya o Halalelang. Mme ho kgutleng, le Kreste, re kgutla ka bobedi boo tsoho ya nama, mme re se re fumane tsoho ya moyo. Re tshwere karolo tse pedi tsa yona. Ke papiso ya Kreste le Kereke kamehla: Elisha le Elia.

⁶³ Oh, ha ke batle ho qala ka taba eo. Kgele, kgele, kgele, re ke ke ra fihla Molaetseng wona wa dihora tse tsheletseng mona. [Moena Neville o re, “E sa le nama lesapong, le jwale.”—Mong.]

Ee. Kgele! “Nama e lesapong,” Moena Nevile o tjhelo. E sa ntse e kokonwa. Oh, ha le a thaba na? [Phutheho e re, “Amen.”] Le a bona? Ha re na . . .

⁶⁴ Tshitiso ha e sa le yo. Lefu ha se letho. Re le ruile. Ke la rona. Le ke ke la ntaola. Ke a le laola. Jwang? Ka Yena Ya nkentseng mohlodi, hoba ke se ke hlotse lefu. Ke kgonne jwang? Ka ho dumela ho Yena. Le a bona? Lefu le ka hara sebe, ho se dumele. Ha ke mosadumele. Ke modumedi. Ke tsositswe nthong eo, ho tsoswa. Ke tebeletso ya tsoho ya ka yohle e tletseng ya nama, moya, ntho e nngwe le e nngwe. E, monghadi. Le a e tshwara? [Phutheho e re, “Amen.”—Mong.] Ka baka leo re beile lefu tlasa taolo ya rona, ka Jesu Kreste Ya hlotse lefu, dihele, lebitla, bolwetse, mahlomola, ntho e nngwe le e nngwe e sele, ho hlola tsohle.

⁶⁵ Mme jwale re tsositswe le Yena, ho dula dibakeng tsa Lehodimo, ha ho buuwa ka moya, ka ho Kreste Jesu, dintho tsohle di tlasa maoto a rona. Esita le tsoho ya nama e tlasa maoto a rona, hoba re ka ho Kreste. Hoo—hoo le a e tshwara? Ha le kgona, phahamisang matsoho a lona. [Phutheho e re, “Amen.”—Mong.] Amen. Ke hantle. Ha le fela le e tshwara, ho hotle. Le a bona? Le se dumelle . . . Jwale le e boloke kelellong tsa lona. Le a bona? “Re tlöhile lefung ho kena Bophelong,” ka nama, ka moya, mokgweng ofe feela.

⁶⁶ Mme ntho e nngwe le e nngwe, mme dintho tsohle, ke tsa rona hona jwale. Kgele, lefatshe le ka ntle mane le re tlaleha re hlanya, kanthe lefatshe lohle ke la rona. Le tla le rua jwang?

⁶⁷ Mohla, jwaleka ha ke boletse, Abrahama, le a bona, o ne a le lefatsheng la pallo; Modimo wa mo fa lona. Lota a haptjwa ke balotsana ba kabelwa-manong, a hapellwa. E ne e le motswala'e. Ke hantle. Ntho ka nngwe lefatsheng leo e ne e le ya Abrahama. Ka hona, e ne e se mohlabani. A eso lwane. A se na bahlabani ho yena. A ena le basebeletsi ba mmalwa. Empa eitse ha a bona ntho e nngwe eo, Diabolosi, o ne a tlide mme a mo kgothotsa ntho e nngwe e neng e le tshepiso ya hae, a hlomela bahlanka ba hae mme le yena a hlomela. A sa tsebe kamoo a tla hlola mphi ena ya marena. Bahlanka ba mmalwa feela, empa Modimo wa mmolella mokgwa ho e etsa. A ithlopholla, mme a bolaya marena, mme a kgutla ka tlholo. Hobaneng? O ile a bea tumelo ya hae tshepisong ya Modimo ya hoba ntho e nngwe le e nngwe lefatsheng leo e ne e le ya hae, mme Lota e ne e le karolo ya yona, ke hantle, e ne e le karolo ya naaha. Oh, kgidi!

⁶⁸ Mme mono a kopana le Melkisedeke, hoba ntwa e fete. Na ha le mmone Abrahama ha a nyoloha ka tsela? A sa ka a tseba hoba e ne e le mohlabani, o tsebile ka nako eo hore e ne e le yena. E, monghadi. Mme a kopana le Eo Ya entseng tshepiso, Melkisedeke.

⁶⁹ Jwale ha re baleng Bukeng ya Amose. Ke tla bua hoseng hona; e seng dihora tse tsheletseng, le hona. Ha ke tshepe jwalo. Le a bona? Hodima e—hodima seholloho, seo, *Tsela Ya Moporofeta Wa Nnete*. Mme bosiung bona, ha Morena a rata, ke tla bua ka *Ho Ntsha Letshweya*, mme ka hona ha—ha Morena a ratile.

⁷⁰ Jwale, ke tsebjwa ke le moseholli, empa ke—ke—ke ha ke seholle, ha e se ntho efe feela e phoso. Empa ke, rona, re loketse ho seholla phoso.

⁷¹ Jwale, ha eba le tjheha dihatisi tsa lona jwale, ka phaposing, kgele, ho lokile. Ke batla ho bala jwale ho Amose, kgaolo ya 3. Kapa yona...Ee. Kgaolo ya 3 ya Amose, karowlana ya yona feela, Amose 3.

Utlwang lentswe lena leo *JEHOVA* a le bolelang hodima lona, bana ba Israele, hodima mofuta wohle oo ke o ntshitseng lefatsheng la Egepeta, ke re,

Ke tsebile lona feela hara nefuta yohle ya lefatshe: ka baka leo ke tla le otla ka baka...bokgopo a lona kaofela.

Na ba babedi ba tla tsamaya hammoho, ba sa dumellane?

Na tau e rora morung, ho se seo e ka se harolang? na tawana e utlwahatsa lentswe la yona lehaheng la yona, e sa tshwara letho na?

Na nonyana e ka wela lerabeng le fatshe, ho se ntho e e tjhehileng? na leraba le beilweng fatshe le ka tlolela hodimo, le sa tshwara letho na?

Terompeta ha e letsua motseng, na batho ha ba tshohe kaofela na? na tlokotsi e ka hlaha motseng e sa hlahiswa ke JEHOVA?

Hobane Morena...ha a etse letho, a eso ho senolele merero wa hae ho bahlanka ba hae baporofeta.

Tau ea rora, ya sa tl'o tshoha ke mang? Morena JEHOVA wa bua, ya sa tl'o porofeta ke mang?

⁷² O tshwanetse a be a ile a sesefatsa mahlo a hae, a sa eme hoseng hoo hodima leralla ka nqane ho motse wa Samaria. Ke bona matsoho a hae a tiileng ha a pholla tedu tsa hae tse putswa. Letsatsi le tjhesang le tjhabetse fatshe. A sa kgahlehe hakaalo ho tadingweng. Ho fapane hakakang le baevangedi ba mehla ya jwale! Diaparo tsa hae di sa sidilwa; tedu di batla di le makgisa. Mme a sheba tlase motseng oo wa Samaria, mahlo a hae a sesefala ha a sheba. A sa kgahlehe hakaalo ho tadingweng, empa a ena le HO RIALO MORENA ho setjhaba seo.

⁷³ Mohlomong, ho batla, ho fapane letsholong lena le tlang, leo Morena a mo romileng ka lona Samaria, ho leo baevangedi

ba rona ba mehla ena ba leng sona. A sa hlomellwa bakeng sa tsoselsetso e jwalo, kamoo re ka nahanang a loketse kajeno. Empa le hopole, e ne e se moevangedi wa mehla ya jwale. E ne e le moporofeta. A sa tsotelle dihlomo tsa mehla ya jwale. O ne a tshwere HO RIALO MORENA.

⁷⁴ A sa tsotelle kamoo a shebehang kateng, mme a apere sefeshene ha kae, kapa moriri wa hae o phophothilwe ka nepo, kapa motho o ne a mo sheba kapa tjhe. O ne a tshwere Lentswe la Morena. E le morero wa hae o tletseng: ho tlisa Lentswe leo la Morena. Thaka lee e ne e le mang? Eke. E ne e le Amose, moporofeta, motho ya mahwashe, a mpa a tseba moo a emeng teng. A tseba seo a se etsang. E le moporofeta wa nnete wa Lentswe. Mme lebaka la ho tla ha hae motseng wona, hoba Lentswe le ne le tlide ho yena.

⁷⁵ Mme ha Lentswe la Morena le tla ho mohlanka wa nnete, o tshwanetse ho ya, ho sa tsotellehe mabaka, kapa ho sa tsotellehe mathata. O tshwanetse ho ya, leha ho le jwalo. Hore o itokisitse na, o ikutlwia jwalo, o batla jwalo, leha e ka ba eng hape; o tshwanetse ho ya, leha ho le jwalo. Ke Modimo ya buang, mme o tshwanetse ho jara Molaetsa wona. Hoba, ke... Ha a tsamaele bosawana. Ha tsamaele tjhelete. Ha a tsamaele botumo. O mpa a ya ka Lebitso la Morena, bakeng sa ntho e le nngwe. O tshwere e—e thomo, o romilwe ke Morena. Mme yena ke Lentswe la Modimo, hoba o jere Lentswe la Morena. Eo ke moporofeta wa nnete wa Morena.

Sehlooho sa ka ke: *Tsela Ya Moporofeta Wa Nnete Wa Modimo*.

⁷⁶ Monna e moholo enwa, ya sa tshoheng wa Modimo o porofetile ditshiung tsa Jeroboame wa bobedi. Ke ngotse karolo ya nalane ya hae ka pel'a ka mona. O porofetile dilemo tse ka bang leshome le metso e meraro tsa letsholo la hae. Mme Jeroboame, e ne e le Jeroboame wa bobedi, e batla e le monna ya bohlajana le ya nang le bokgoni eo Iseraele e kileng ya mo fumana ka nakwana. E le monna ya tliseditseng Iseraele katileho. Iseraele e ne e atleha kahohle. Empa, yena, a ena le phoso. E ne e le mosebeletsi wa medingwana.

⁷⁷ Mme nna ha ke ntse ke bala taba ena, tsatsi le leng, ka batla ke e nahana e nyallana le kajeno. Ho sa tsotellehe monna o bohlajana hakae, le kamoo a kgonang ho sebetsa, le hore katileho e kakang, ha a tloha ho Modimo, ke sekgobo setjhabeng, hole le Modimo le Lentswe la Wona. Ke ipotsa hore ha e bapise rona, kajeno na, mothong ya ratang ho hlaha thelebihshene le ho bontsha kamoo ba leng bohlale, ba na le maboko a makae. Empa ke a ipotsa ba na le ho lekaneng ho nka HO RIALO MORENA. E ne e le monna ya bohlajana, ke hantle.

⁷⁸ Iseraele e ne e dutse e wele. Bareri ba yona, baprista ba yona, esita le mmuso wa yona, keha o hlobohile Lentswe

lohole la Morena. Jwale, ba ne ba dumele hoo. Ba ne ba dumela hoba ne ba dutse le Lentswe la Morena. "Empa ho motho tsela e ka bonahala e lokile, athe pheletso ya yona ke ditsela tsa lefu." Hobaneng ba ne ba fositse? Hobaneng motho a ka dumela hoo—hoo athe ba ne ba fositse? Sehlopha sohle sa banna ba boprista, dikete tsa bareri le baprista, le marena le babusisi, bohole ba itlalehileng e le basebeletsi ba Modimo, mme, leha ho le jwalo, bohole ba fositse.

⁷⁹ Mohlang oo, ba ne ba sa hloke morena ho atleha. Seo ba se hlokileng e le moporofeta, hoba Lentswe la Morena, kapa hlaloso ya Lentswe la Morena, e tla ho moporofeta wa mnene. Ka dinako tse ding le bona seo tsela ya hae e leng yona. Ke tsela e makukuno ruri, hodima baprista bohole, le bareri bohole, le—le—le dinohe tsohle, le—le mmuso bowona o le kgahlano le yena. Empa, leha ho le jwalo, Lentswe la Morena le tla ho moporofeta, homme hoo feelsa. O tshwere Lentswe le nepileng. Leha a ne a tshwere Bibebe e tshwanang le ya bona, empa Lentswe le ne le tlide ho yena. Modimo o no o netefatsa hore o ne a tshwere Lentswe.

⁸⁰ Ba ena le mehaho e meholo ho feta le ditsamaiso tsa bodumedi, le tse jwalo, tseo ba bileng le tsona, dialetare di hahilwe hohle, le—le mefuta yohle ya—ya dintho, leha ho le jwalo ba le hole le Lentswe la Modimo.

⁸¹ Nna, ke a kgolwa, papiso e ka nyalana hantle le kajeno, ha ke bala Buka ena ya Amose. Le tshwanetse ho e bala ha le fihla hae. Mmuso wohle, baprista, bao bohole keha ba hlobohile Lentswe la Modimo.

⁸² Nka rata feelsa ho bala karolwana e nngwe ya Lengolo mona, eo ke e tshwereng, ho bontsha moo ba neng ba e entse teng. Jwale ha re baleng kgaolo ya bo 2 le temana ya 4, motsotsotso feelsa.

JEHOVA o itse; Ka baka la melato e meraro, kapa e mene ya Juda, teng nke ke ka fetoha; kahobane ba nyedisitse molao wa JEHOVA, . . .

⁸³ Leo ke Lentswe, ho Le nyedisa, leha ba hopotse hobane ba Le tshwere.

...ba sa ka ba boloka ditaelo tsa me, ba mpa ba kgeloha ke mashano a bona, . . .

⁸⁴ Jwale, ba ne ba ena le Lentswe, Bibebe, empa mashano ao ba neng ba a tswakile le Lona a ba kgelositse.

...ao bontata bona moholo ba ileng ka wona:

⁸⁵ Le bona lebaka? Jwale, ba ne ba kgelohile hoba ba soteditse phetolelo tsa bona kapa hlaloso Lentsweng. Mme ka hopola e tshwana le kajeno, jwaleka ha bongata bo batla ho kenya

mohopolo wa bona Lentsweng, mme re wela modubadubeng. Ke kgalemo e kaakang ho tswa ho Modimo, eo moporofeta eo a neng a e tshwere.

⁸⁶ Jwale, Amose e ne e le moporofeta wa Modimo, moporofeta wa nnete. Mang le mang ya balang ka Amose o tseba sebete le ho hloka tshabo ha monna eo wa Modimo. O nnkuwa e le e mong wa baporofeta ba banyenyane, hoba a sa dula halelele, empa o hlile a Bea selepe motsong wa sefate. E le e mong wa baporofeta ba sa tshabeng, mme a tla ka tlotso. A tla ka HO RIALO MORENA. A tseba seo a buang ka sona, hoba tlolo ya Modimo e ne e dutse hodima hae ho ba tlisetsa kwahollo e nepileng ya Lentswe la Modimo.

⁸⁷ Amose o ne a tswa thoteng, lehwatatem, a ya motseng o mahadihadi. A eso tjakele moo pele. E le moshanyana wa mahaeng, motsheo kwana lehwatatem. Yare a sa dutse thapeleng morao mono, Modimo wa na wa kopana le yena, le ho mo phethela tsa bokgopo ba setjhaba sena se mahadihadi seo yena e beng e le karolo ya sona. Mme Samaria e ne e le motsemeholo, o mong wa metsemeholo mehleng eo, le ya puso ya Jeroboame.

⁸⁸ Mme yare a sa eme mono hoseng hono, hlorong ya leralla, a tsamaya ka diaparo tsa hae tsa kgale, tse mpe, tsa mahaeng, a le dithole a tletse seretse maotong a hae, ha esale a robala ka kobo, eo bosiu ka bosiu. Mme ha ke tsebe, a se na dibathe mehleng eo. A ka tsoha a qetile matsatsi a mmalwa sa tole. Empa hoo ha ho senye bokahare ba motho. Boholo, kajeno, bo tshetlehwa bokantleng, e seng hakaalo ka hare. Re tsotella hore re tola letsatsi ka leng, mme le moriri wa rona o noneditswe, le diaparo tsa rona di fetotswe, le ntho e nngwe le e nngwe, mme re dumella bokahare ho ikela ka tsela efe feela, ho dula re apere diaparo di le ding tsa kgale tsa sebe, ho nkgisa moyo ka ditumelwana le ditshomo, le ka mohla o sa hlahljwe mme o sa hlatsuwe ka metsi a karohano a Lentswe, dinthong tsa lefatshes.

⁸⁹ Yare a sa eme hoseng hoo, a nyaretse hodima leralla, motse oo o mabekebeke, o tletse dintho tsa sejwale a eso ka a lora ntho e kang eo. Iseraele e ne e le diphahameng tsa yona. E hlabile selekane le ditjhaba tse e teetseng hare. Ho kgabilwe haholoholo, basadi ba ikinne meaparong hle, le—le banna. Mme monyaka o ba hlabile hamonatjana, ba beisa mabelong, le diolimpiki, le ntho ka nngwe e etsahalang. Ha ho makatse mahlo a hae a ile a sesefala; e se ka baka la mabekebeke a motse, kamoo bahahlaudi ba yeng ba etse, ha ba kena New York, kapa ba ya Los Angeles, ho boha basadi ba apereng sekgeeque, banna ba etsa ka-hore-le-hore, le sebe.

⁹⁰ Metswalle e mmalwa ya ka, matsatsing a mmalwa a fetileng, e ne e tswa leetong la ho tshwasa dihlapi, tlasana ho

koleshe e kgolo ya Bibele, koleshe e tsejwang ya Bibebe. Mme mono, hara tsela, hara mahola, e le bananyana, ba apereng sekgeeqe, le bashanyana, mohlomong baithuti ba koleshe, ba enwa ba itshwere jwalo, hampe.

⁹¹ Jwale, boitshwaro bo jwalo bo hlohlontsha takatso ya Maamerika a mangata a ipitsang Bakreste, ha ba nyarela ka hara Los Angeles. Kapa, ke ba bone sefaneng ha re kena Los Angeles; ha ba eso fihle mono; kapa Hollywood, kapa—kapa Florida ka mabone a bona wohle a tshwedimang hodima e—e difate tsa dipalema. Oh, ebe moo ba boelang bafafatsa dinko tsa bona, mme ba lokisa meikapo. Ba hopola e le ntho e mahadihadi ho feta eo ba kileng ba e bona. Le ho bona batho ba ikgadimisang le ba apereng, ba tsamaya diterateng, ba batla ho tswela ka ntle mono le ho bona hore ba ka ikgamola ka diaparo tsa bona ka thata hakakang, kapa ba meneka ho nyoloha le ho theosa le diterata. Hodima, ba hopola hobane ke ntho e kgabane eo.

⁹² Empa mahlo a tlotsitsweng se-Modimo a moporofeta eo a ne a sa sesefatswe ke mabekebeke, seka bahahlaudi ba bang, empa ke boitshwaro bo sebodu, bathong bao ho thweng ba lehlohonolo ho Modimo. Mahlo a hae a sa sheba mabekebeke. A sa sesefatswe ke mabekebeke. E le ka baka la—la—la ho nyehla le sebodu sa batho ba bileditsweng ho ba bakgethwa ba Modimo, mme ba itshwere ka tsela eo. Ha ho makatse, ha a itse, “Tau e puruma, ke mang ya sa tl’o tshoha? Modimo o buile, mme ke mang ya sa tl’o porofeta?”

⁹³ A bona bobodu, ho pherehlanra. Ke sona seo a beng a se shebile. Keha a bona seo sohle. Ha se a ka sa mo hohela. Se kudisitse moywa hae. Hobaneng? E ne e le moporofeta. O tsebile seo Modimo a tshepisitseng ho se hlohonolofatsa, le seo hlohonolofatso e neng e le sona, le kamoo batho ba lehlohonolo ba itshwarang kateng. Mme Diabolosi o ne a kgopamisitse letsatsing la hae, seo hlohonolofatso ya nnete e neng e le sona, ho—ho—ho ya mekgweng e pherehlaneng; hlohonolofatso ho hlohlontsha mahlo le ditakatso tsa batho ba sa sokolohang, ho ya thatong le tseleng ya Modimo, le tseleng ya Modimo ya bophelo.

⁹⁴ Ho tshwana hakakang le kajeno! Kamoo bareri ba ka emang sefaleng, mme ba sheba sebe le bobodu ba lefatshe lena, le ho bona batho ba etsang mme ba itshwere kamoo ba etsang, mme ba ba hlohonolofatse feela ka hoba e le setho sa kereke ya bona, kapa phutheho ya bodumedi, kutlwisiso eo e hlola moywa wa ka.

⁹⁵ Ha Modimo o bua, ho porofeta! Ha Moya wa Modimo o kgahlola moporofeta wa Modimo, o tla hlaba mokgosi ka Lentswa. Ha ke batle ho seholla, empa ke mang ya ka ikgutsetsang? Ke mang ya ka emelang ho shebella ntho e jwalo,

mme a ipoledise e le mohlanka wa Kreste, mme a sa e kgaleme? Ha ke tsotelle seo phutheho ya bodumedi e ka se buang, kapa seo kereke efe e ka se buang; ke ka hona ke seng setho sa tsona. Di tla o rahela ka ntle, ntho ya pele. Empa Lentswe la Modimo le tla pele. Ha o le lenqosa, o na le seo o ka se buang. Ha o bua letho kgahlano le Lentswe Lena, ha o lenqosa le tswang ho Modimo; o lenqosa la selekane la phutheho e itseng ya bodumedi kapa mohopolo o itseng. Empa lenqosa la Modimo le tshwere Lentswe la Modimo.

⁹⁶ Mme motswalle wa rona, hoseng hona, ha re mo shadima, o ne a tshwere Lentswe la Modimo, hoba e ne e le moporofeta wa nnete wa Morena.

⁹⁷ Jwale, ba hopotse hobane ba ne ba tshwere e—e hlaloso ya lona, le ho nahana, “Be, ehlide, shabeng seo re se etsang.”

⁹⁸ Jwale, lebaka ke lena, re mo emisitse qhoweng ya leralla hoseng hona, a shebile kwana, fatshe hara motse. A tsokotsa hlooho ya hae, ho sheba; mahlo a hae a sesefala. A hula diphaka tsa hae a phumula mofufutso sefahlehong sa hae, le lerole. Letsatsi le tjhesang le tjhabetse hodima hlooho ya hae e lefatla. Tedu tsa hae di lepeletse; o ntse a e pholla ka matsoho a hae. O ne a sa bone mahadihadi. O bone sebe. E sa mo kgahlise. Ya mo kudisa.

⁹⁹ Hobaneng a na a ke ke a re, “Nna, Moiseraele, bonang kamoo naha ya heso e atlehileng kateng”? O ne a ka rialo jwang athe e ne e le moporofeta wa nnete wa Modimo, ya tsebang ditlamorao, le se neng se tla hlahela ntho e kang eo?

¹⁰⁰ Ha re mo emiseng hodima leralla kajeno mme re re a shebe fatshe. E re a shebe ka hara Jeffersonville, bathong ba ipitsang Bakreste. E re a batle batho ba ipitsang Bakreste hohle Amerika. Mahlo a hae a tlotsitsweng se-Modimo a ne a tla sesefala hape. Matsoho a hae a thanya tedung tsa hae. Hobaneng? Ha a bone mabekebeke le katleho eo lefatshe le e bonang. O bona e—e ho hloboha Modimo. O bona ho bola ha mekgwa ya batho. O bona ho wa ha setjhaba. O bona ho puta ho ka hara kereke. O ne a ka etsa’ng haese ho sesefatsa mahlo a hae, le ho labalabela ho kena hara wona, a tle a o kgekgethe dikotwana?

¹⁰¹ Hola mobishopo e mong a kopana le yena mono hodimo mono, mme a re, “Jwale, na o moporofeta wa Morena? Jwale, re tla o bolella seo o ka se buang le se sa o tshwaneleheng.” Le nahana a ka be a mametse? Hola ba ka re, “Tloo kene mokgatlong wa rona jwale, mme re tla o thusa letsholong la hao?” Le nahana a ka be mametse? Tjhe. Ha ke kgone ho nahana jwalo, ka monna ya kang eo. Tjhe.

¹⁰² O ne a romilwe ke Modimo. A sa hloke ho fuwa tshebedisano ya bona. A tshwere Lentswe la Modimo, tlolo ya Modimo, nako ya Modimo e badilweng. O ne a kena ka

“HO RIALO MORENA.” Uh-huh. Ke eo moporofeta wa nnete. Ke kamoo a hahlaulang kateng. Ha a hahlaule haese Ka HO RIALO MORENA.

¹⁰³ Ebe motse o mabekebeke wona wa Samaria, wa boikalakatiso, Iseraele ya thuto tsa tonana, bareri bana ba bentshitsweng hamonatjana le baprista, ba ka amohela mothwana, thaka lena le sa tsejweng? Mohlomong melao ya hae ya puo e fokola haholo. A tswa lelapeng le futsanehileng haholo lehwatateng. A tlöhile hae, a bitsitswe ke Modimo, a kena lehwatateng ho ithuta Modimo le Lentswe la Hae, le ho ba moporofeta. Morena o mo hlahisitse a le jwalo.

¹⁰⁴ Baporofeta ba tswalwa, e le morongwa wa mongwaha, eo Modimo, ka boitsebelo-pele, a tsebang mongwaha le ho beha mmuelli wa Hae mono ho bitsolla sebe.

¹⁰⁵ Na ebe motse o mahadihadi oo o no ka mo amohela? Le nahana basadi bao ba ne ba tla tsotella seo a se buileng? Le nahana baprista bao ba ne ba tla mo mamela? Kgele, tjhe, monghadi. A se na thoholetso ya letho, e tswang mokgatlong ofe kapa ofe. A ke ke a bolela ho re, “Bafarasi ba nthomile.” Hape a ke ke a re o ronngwe ke Bassadusi. A sa kgwaela ditshwanelo tsa letho. A se na setlankana sa botho ho tswa sehlopheng sefe feela sa batho. A se na pulamadiboho ya hlophisang letsholo la hae. Ho sa ba le Bafarasi bohole ba epang pitso ya kopanelo le e—le borakefese ba bareri, le ho hlophisa sohle, ho lokisetla letsholo la hae le tlang, le ho tseba hoba o ne a tla tla. A sa tsebahale hara bona. A se na setlankana sa botho. A se na ditshwanelo. A se na dithohoheletso tse tswang bathong.

¹⁰⁶ Empa a ena le HO RIALO MORENA. Ke eo tsela ya moporofeta wa nnete. O na le HO RIALO MORENA. Ha eba a ne a tshwere HO RIALO MORENA, e fapane haholo le mananeo a rona a radilweng ke batho mona. Ke phetho see a ne a se hlokile. Ha eba a tla ka tsela *ena*, o tla ka Lebitso la kereke. Ha eba a ka hlaha ka tsela Ena, o tla ka Lebitso la Morena. Ka hona, ka mehla moporofeta wa nnete o tla ka tsela ya Lebitso la Morena. Ka mehla, o tla ka Lebitso la Morena.

¹⁰⁷ Jwale, a ke ke a bontsha ditlankana tsa botho, empa a—a ena le Lentswe la Modimo. Mme ke sona seo Modimo a se romeletseng batho. Jwale, batho keha ba ipopetse mekgatlo. Ba ipopile dihlopha tsa bora-seng, mme ke sona seo batho ba neng ba se bopile. Empa Amose a se na seo. A ena le HO RIALO MORENA feela. Ke seo a neng a se tshwere.

¹⁰⁸ Ke a kgolwa baprista bao, hoseng, keha ba tshwara nthwana hoseng ha sabbatha, ba etsa thapelwana, le jwalo-jwalo, le tshebeletsonyana ya hlohonolofatso, le-le ho kgutla. Le ho bua dintho tse mmalwa ka Moshe e moholo, ya phetseng

tsatsi le leng, le ka motho e mong e moholo ya phetseng tsatsi le leng. “Empa, oh, matsatsi a ntho eo a fetile jwale. Lona batho le tseba mopresidente wa rona e motjha, mmuso wa rona o motjha le sohle sa rona,” le ho bua ka dintho tse mmalwa tse kang tseo ebe ho uwa hae.

¹⁰⁹ Empa ke mona ho fihla monna ya sa tsotelleng hoo. O tla ka HO RIALO MORENA. Le a bona? Ke tsela ya moporofeta eo. Tshebedisano-mmoho ha e yo, ho tseba se neng se mo tobole, ho tseba hoba sohle se tla ema kgahlano le yena, ho tseba hoba ba tla mo hana, ba mo latole. Empa o ne a tla ka Lebitso la Morena.

¹¹⁰ Jesu o tsebile hoba Kalvari e Mo laletse, empa O tla ka Lebitso la Morena. Le a bona? Ke yona tsela ya moporofeta wa nnete.

¹¹¹ O ne a tshwere Lentswe la Morena bakeng sa setjhaba. Empa Lentswe la Morena la makgonthe le ne le kgeseha bathong. Leha kwana, ba ne ba hopotse hore ba Le tshwere. Ke tshepa taba ena e teba tlase. Ba hopola hobane ba tletse borapedi le bohalaledi, hoo Lentswe la nnete la Modimo e neng e le ntho e hosele ho bona.

¹¹² Ho jwalo le kajeno. Lentswe la Modimo la nnete le bonahaditsweng ke ntho e hosele bongateng ba batho ba Pentekosta. Kwahollo ya makgonthe ya Lentswe, dikotsi tsa makgonthe, le dithohako, mahlohonolo a makgonthe a Modimo ke ntho e hosele ho batho ba bangata ba ipitsang ba kgalalelo, ditho tsa kereke, Bakreste. Ke ntho e hosele ho bona. Ha ba e tsebe. Ba boelle Lona. “Ha ke eso utlwe ntho e jwalo.” Mme, leha ho le jwalo, mekgatlo ya bona e a hola e a atleha, e ntse e hola e ba e hola ho eketsa maloko ka nako tsohle, mme selemo le selemo mekgatlo e a eketseha.

¹¹³ Ba hopola hobane sohle se tlang ho bona se tlameha ho tswa dihlopheng tseo tsa bora-seng. Ruri ba ne ba sa tl' o mo amohela. Le kajeno ba ke ke ba e etsa. Ba lebetse kgale, ho re, “Modimo ka majwe ana o tsebile ho tsosetsa Modimo baporofeta ba nnete.” Modimo a ka kgona, ka banna ba moru motsheo kwana. O ka tsosa, ka majwe ana, banna ba tla emela Lentswe la Wona, le ho porofeta ka Lebitso la Wona, Nnete. “Ho bea selepe motsong wa sefate.” Le ho fofisa diphatsa. Ha ke tsotelle ha eba a tshehetswa kapa a sa tshehetswa. Empa ke eo tsela ya moporofeta wa nnete.

¹¹⁴ Batho ba bang ba hopola hobane o phela ha monate. Ha ba tsebe seo ba se buang. Ha a ka a tliswa motseng a palame koloyana, a kaletse, dipere tse qhanehilweng ka bokgabane, ditjellane, mme baprista ba baholo ba eme ka ntle mono, ka dinthohadi tsa maemo dihlohong tsa bona, ba mo obamela, “Mohlomphehi Ngaka Sekete-kete o a tla.” E ka be ba ke leano le itseng le radilweng ke mokgatlo.

¹¹⁵ Mme jwaleka ha Kgosi ya bona bohole e tla, O tla, jwaleka, ho tla ka setala, modiko wa kgomo. E seng ho tla ka mokgabolo kganya, empa O tla ka boikokobetso ba lesea le tswaletsweng modikong. Amose ha a tla . . . Lentswe la Morena; hoba e ne e le Lentswe la Morena. Lentswe lefe feela la Modimo, hase motho; ke Modimo.

Jesu o itse, “Hase Nna ya etsang mesebetsi.”

O itse, “O le motho, o Iketsa Modimo.”

¹¹⁶ A re, “Jwale ekare ha Ke sa etse mesebetsi ya Modimo, le se ke la dumela ho Nna. Empa ekare ha mesebetsi e ipuella, le mpe le dumele mesebetsi, ha le sa batle ho dumela ho Nna.”

¹¹⁷ Amose e ne e le Lentswe la Modimo le tsamayang tseleng. A tsamaya a kena jwalo, a sa kgaba, e seng ho latela mekgwa ya lefatshes. A tla ka matla a Moya.

¹¹⁸ Ke kamoo Lentswe la Modimo le tl Lang kateng. E seng ka tumelwana ya mokgatlo, e seng ka nthwana e rekereke sefalen; empa Le tla ka matla a Moya, ho bonahatsa Modimo ho setjhaba le ho batho. Ke phapang. Ho fapanie hakakang!

¹¹⁹ Jwale, hona ho hlokometswe, ho lebetswe kgale, hore Modimo o ka hlahisa baporofeta ba nnete ka majwe. Ba ne ba se na . . . Mokgatlo wa bona o ne o sa tlameha ho hlahisa moporofeta wa nnete, hoba mohlomong o ne o ka sitwa. Hoba, hola ho ka ba jwalo, e tla ba moporofeta wa mokgatlo.

¹²⁰ Empa, Modimo o a hlahisa! Modimo o nka seo A se batlang. Ha A nke letho, ka tlwaelo, ho etsa mosebetsi wa Hae; ho a bontsha hore Ke Modimo. Ha motho a iphafa, a ikgopola e le letho, ke moo Modimo a ke keng a mo sebedisa, hoba boyena bo bongata.

¹²¹ Ke bona bothata ba kereke ya Bokreste kajeno. Ba hopola hobane ba tseba letho. Bibele e re, “Ha motho a itekanya hobane o tseba letho, ha a tsebe letho kamoo a lokelang ho tseba kateng.” Bothata kajeno, re ruile borona bo bongata, boikaketsi bo bongata hakana, thuto e ngata hakana, borapedi bo bongata hakana, mme ho sa tsejwe letho ka pholoso ya Lentswe la Modimo. Ke yona karolo e haulang eo. E.

¹²² Ba se ba lebetse, ho re, “Modimo o kgonne ho tsosetsa Abrahama bana ka majwe ana, kapa ho hlahisa baporofeta ba nnete ba Lentswe.”

¹²³ Ha ba tlameha ho tswa sekolong se itseng. Modimo o ba kenya sekolo sa bona. Ha ba tlameha ho thola digarata tse nne kholeheng. Ha ba tlameha ho thola Kgau ya Art ya bona, le—le Garata ya Bongaka ya bona, le dintho tse jwalo. Ha ba tlameha ho thola hoo. Modimo o nka sohle seo A se batlang, le ho kenya Lentswe la Wona ho sona. O e etsa jwang? O a Le bonahatsa le Le paka.

¹²⁴ Ba sitilwe ho bolela kholeshe ya thupelo eo Jesu a tswang ho yona. O ne a se na yona. “O tswa sekolong sefe?” O ne a se na sona. O ne a ena le eng? O ne a ena le Modimo, mme E ne e le Lentswe. Ba ke ke ba supa morao sekolong.

¹²⁵ Mme Modimo ha eso hlahise monna sekolong. Ako theohe le nalane mme o fumane moo A kileng a etsa. Ha A etse. O nka ntho ho tswa kae-kae, e se nang letho, e se na ditshepo tsa letho ho yona. A nto kenya ntho eo le ho bea Lentswe la Hae ka ho yona, le ho Iponahatsa. Ke seo A neng a se etsa mona ka ho Amose. Ke hantle.

¹²⁶ Jwale, Lentswe la Amose le ile la netefatswa ke Modimo, tsatsing leo, matsatsing a wona ka sebele. E net-... Modimo o netefaditse Lentswe la Amose ho ba, hore e ne e le, o ne a ena le Lentswe la Morena.

¹²⁷ Mme hola a ka re etela, hona jwale, le nahana hobane setjhaba sa rona le batho ba ka amohela monna ya jwaleka eo? [Phutheho e re, “Tjhe.”—Mong.] Le nahana hobane Mabaptise a ka amohela Amose? [“Tjhe.”] Mamethodise? [“Tjhe.”] Presbeteriene? [“Tjhe.”] Mapentekosta? [“Tjhe.”] Makatolike? [“Tjhe.”] Tjhe, monghadi. Tjhe. Ruri o ne a sa tl’o kgona.

¹²⁸ Ha re etseng, nakwana feela, re mo jareng mme re mo tlise kwano, motsotso feela, mme re fumane hobane ba ne ba ka kgona kapa tjhe. Ha re boneng feela ha eba a ne a ka kgona, hore dikereke tsa rona di ne di tla mo amohela kajeno kapa tjhe.

¹²⁹ Ntho ya pele a neng a tla e etsa, o ne a tla hanana le mokgatlo o mong le o mong, hoba e kgahlano le Lentswe. E, monghadi. O ne a tla ahlola lenaneo la rona lohle. Ke hantle. Thuto e nngwe le e nngwe, tumelwana e nngwe le e nngwe, phutheho ka nngwe ya borapedi, o ne a tla ahlola ntho yohle.

E ka re ke a bona, ke bona dipresbeteri tse ding tsena tsa Pentekosta di re, “Kgele, kganya ho Modimo! Ha eba a... Kgele, ha re batle monna eo motseng wa rona.”

¹³⁰ Mme le nahana hobane Mapresbeteriene le Baptise ba ka etsanng? “Kgele, tseketeke eo, ha re mmate naheng ya rona. Hase letho ke e—e otseotse.” Ba ne ba tla tekena pampiri ho mo hlahlala tjhananeng, hola ba ka kgona, ho mo hleka diterateng.

¹³¹ Empa le hopola hobane le ka mo kwalla mono? Oh, tjhe. Le ke ke la hlahlala Lentswe la Modimo ka hara letsaba. Tjhe, tjhe. Le tla bitoha, leha ho le jwalo. Mekwallo ya tjhananeng e ne e bulwe bosiu bo bong, mohla ba lekang ho Le kwalla. Lesedi la kena mme la mo lokolla.

¹³² Tjhe, o—o ne a tla hanana le lenaneo la rona ruri. Ke hantle. A qale a etsenng? Ho e heletsa. Hobaneng? Ke

mohlanka wa Modimo. O ne a tla kgutlela Motheong ka kotloloho mme a qale letsholo la hae, hantle morao kwana, le ho heletsa tumelwana ka nngwe ya yona, le ho kgutlela Motheong. Motheo ke ofe? Hodima Lentswe la Modimo. Hantle. "Mahodimo le lefatshe di tla feta, empa Lentswe la Ka le ke ke." Ka baka leo o ne a tla heletsa phutheho ka nngwe ya bodumedi, tumelwana ka nngwe, thuto ka nngwe, e tswang ho yona, mme a e lahlele ka thoko, mme a e phatlolele Bosafeleng.

¹³³ Le nahana hore Mapentekosta a ne a tla mo amohela? Tjhe, monghadi. Mabaptise? Presbeteriene? Tjhe, monghadi. Manazarene? Pilgrim Holiness? Ba ne ba tla mo hloya. Ehlide bo. Le nahana ba ne ba tla tswa ba mo kgahlanyetse ka—ka limosine, le ho mo kenya motseng? Ba ne ba tla rapela letsatsi ho mo tlabolola hodimo mono. Ba ne ba tla haha lerako, ho mo thibella ka ntle ho motse. Kgele, ho ne ho tla tshwara dikopano tse ngata tsa bareri, hara motse, tseo o kileng wa di bona bophelong ba hao. "Thibelang otseotse eo e se kene motseng wona."

¹³⁴ Empa, leha ho le jwalo, o ne a tshwere HO RIALO MORENA. Le a bona? Ke eo tsela ya moporofeta wa nnete. O ne a tla nyatsuwa. Ehlide bo. O ne a tla kgutlela Motheong ka kotloloho, bakeng sa letsholo la hae. O ne a sa tlo hloka. O ne a sa tl'o re, "Jwale, ke batla lona bohole Mamethodise ho kena le ho tla nthusa. Ke batla lona Baptise. Ke batla lona batho bohole tikolohong ena mona. Lona Mapentekosta wohle, le ipolela le le sehlopha sa ho qetela seo Modimo a tla se bitsa, ke batla le tle ho nna kaofela, mme ke batla le tshehetse letsholo la ka."

¹³⁵ "O kolobetsa jwang? Bopaki ba mantlha ba Moya o Halalelang ke bofe?" Dipotso tseo, e ne e tla hafelwa sefahlehong sa hae. Mme ereha a tla ka Nnete ya Bibele, ba mo furalle. Empa ke yona tsela ya moporofeta wa nnete. O tlameha ho thulana le ntho eo. Le a bona? Ehlide bo.

¹³⁶ Re ne re sa tl'o mo amohela. Tjhe, monghadi. Tsa rona—tsa rona . . . Re ne re sa tl'o batla letho. Re ne re sa tl'o batla letho la matsholo a hae naheng ya rona—ya rona. Tjhe, le kgale. Be, re ne re sa tl'o mmatla. Tjhe, monghadi. Empa o ne a tla tla mme a kgutlisetse Kereke Lentsweng, hobane Oo ke wona motheo. "Mme ekare ha motho a bea motheo o mong, ke lehlabathe le furumelang. Mme hodima motheo *wona* feela, Modimo o haha Kereke ya Wona, hodima Thuto ya baapostola."

¹³⁷ Jwaleka ha ke buile tsatsi le leng; motho o ne a bua ka—ka pelekatori, mme a bua ka ba bangata ba kang Mohalaledi Francis le Mohalaledi Cecilia, mme o ne a rapella batho ba itseng, le ho tswa pelekating, le ho aba boholo bo kang boo. Ke boholo bo sa yeng ka mangolo ao. Ke bona batho ba se

nang boholo bao. Baapostola ba ne ba ena le boholo bo yang ka Mangolo. Mme ha eba e le kgahlano le bona, ke leshano, ho ya ka nna.

¹³⁸ Ke dumela pelekating, empa ke dumela hobane hona jwale. Motho o hlwekisa moyo wa hao ka sebele. *Pelekatori* ke ho bolela “ho hloekisa.” Ha o ipona o entse phoso, ho tswela ntle mono le ho e hlwekisetsa ka ntle ho wena, ka boipolelo, le ho lla, le ho itima dijo, le ho rapela.

¹³⁹ Motho o na ntshehe mohla Morena a ne a fihla mona nakwana e fetileng mme a mpontsha pono. Haesale ke batlike ho e bona malebana le ho tlama noha eo. Haesale ke ipotsa mokgwa wa ho etsa. Ke lokela ho tswa ka mokgwa oo. Athe, esale ke e batla, bophelo ba ka bohole. Yaba ke qala ke itima dijo le ho rapela. Ho re, “Horenq o ka etsa jwalo?”

¹⁴⁰ Ka re, “Ka mono, O itse ha ke na botshepehi bo lekaneng.” Hoba A fihle, yaba ke batla ho itlhwekisa. E seng ho emela ho fihlela o shwa, le ho re moprista ya itseng a leke ho o hlwekisa. Ho hlwekisa meya ya lona!

¹⁴¹ Empa, le a bona, ba e tlositse boholong ba Lentswe, mme ba e bea matsohong a tshomo e entsweng ke motho, ho kenya tjhelete kerekeng, hoba ba sheba dintho tsa lefatshe, kereke ya lefatshe, matla a maholo lefatsheng, matla a sepolotiki. Empa Modimo o sheba Lentsweng la Wona. Mme lentswe lefe feela le kgahlano le Lentswe la Modimo le fosahetse. Ho ya ka nna, ke Lentswe kapa hase letho. E, monghadi. E, monghadi.

¹⁴² O ne a tla ya Motheong ka kotloloho. A kgabele ntho eo dikotwana. O ne a tla tlameha jwalo. O ne a sa tl'o etsa letho le sele, hola Amose a le mona kajeno. O ne a sa tl'o etsa letho le sele, hoba, le hopole, ke moporofeta wa nnete wa Modimo, eo Lentswe le tlango ho yena. O ne a sa tl'o etsa letho haese ho kgutlela Lentsweng. Ho sa tsotele ha eba Mapentekosta whole naheng a mo teela hare, ho re, “Monghadi, Amose, re a dumela hobane o moporofeta, empa o fapohile Lentswe. Re batla ho o otlolla.” O ne a tla dula Lentsweng. O ne a sa tl'o etsa letho, hoba ke moporofeta. O ne a sa hloke tshebedisano-mmoho ya bona. O tshwere Molaetsa ho o ntsha. “Mme bohole bao Ntate a Nneileng bona ba tla tla ho Nna.” Mme o tla rera Lentswe, mme o tla Le rera kamoo Le leng kateng Bibeleng, mme ha ho le jwalo re ne re tla mo hana. Ke hantle.

¹⁴³ Ho sa tsotelehe seo E ne e tla ba sona, Lentswe la Modimo le tla ho baporofeta, tlhaloso ya bona ya Lentswe, tlhaloso e nepileng.

¹⁴⁴ Iseraele e ne e kgeloha tsela ka mehla, mme Modimo a ba romelle moporofeta ka dipontsho le meeka, ho hlalosa Lentswe leo. Mme o tsebile jwang? O itse, “Ha moporofeta enwa a bua, mme e hlaha, e tla ba e lokile.” O ne a netefatsa baporofeta ba Hae, hore ba ne ba lokile.

¹⁴⁵ Jesu o itse, “Ya dumelang ho Nna, mesebetsi eo Ke e etsang o tla e etsa le yena. Le tla tseba ke hona. Mehlolo ena e tla tsamaya le ba dumelang.”

¹⁴⁶ Mme ba ka ipolela ho ba baporofeta ba Morena jwang mme ba latola lona Lentswe la Modimo? Motho a ka kolobetsa jwang ka lebitso la “Ntate, Mora, le Moya o Halalelang,” mabitso ao a tlotliso, mme a latole lona Lebitso la Jesu Kreste, athe ha ho Lengolo ka hara Bibele ho tshehetsa mohopolo wa bona? Mohlomong ke thata mme ke a nyatsa, empa nako ya ho ba jwalo e fihfile. Ke Nnete.

¹⁴⁷ Batho ba ka ipolela jwang ho ba Bakreste kajeno, mme ba mathela nthong e nngwe le e nngwe mona; le basadi ka moriri o kgeketlilweng, le ho apara dishoto, le ho tsuba disakrete, le ho mathela dipontshong, pontsho ya kgale ya mofuta ofe, le ho tswella? Mpolelle hore ke Moya o Halalelang oo? [Phutheho e re, “Tjhe.”—Mong.] Le se leke la mpolella hoo. Le, le kudisa Modimo maleng a Hae, ha eba ntho e jwalo e ka etsahala. Yeah. Ke a kgolwa le a utlwisia. Le ipitsa tse jwalo, ntho e jwalo e ka ba teng jwang? “Ba tsebjwa ka ditholwana tsa bona.”

¹⁴⁸ O ne a tla phatlola le ho ahlola mosadi e mong le e mong ya pommeng moriri. O ne a ka etsa ntho ese le jwang? Ke moporofeta. Mme leo ke Lentswe. O ne a tla re, “Lona, boJesebele!” O ne a tla kgohlala ho bona. Hobaneng? Ke moporofeta. O ne a tla lokela ho ema le Lentswe. Ke hantle. Le hopola hoba ba ne ba tla kgaotsa? Tjhe, monghadi. Ba ne ba tla re, “Ke lehlanya. O mobe se ka Pauluse eo wa kgale, ka Bibeleng, mohloyi wa basadi.”

¹⁴⁹ “Lona, sehlopha sa baipéhi, seo ho thweng ke Bakreste. Ho sa tsotellehe kamoo le lekang ho phela ka kgalalelo, ha e amane le yona ka letho. Ha feelsa le latola Lentswe la Modimo mme le sa tsepame le Lona, o moetsadibe, mosadumele,” ke seo a na a tla se bua. O ne a tl’o... Ho bea, o ne a tla bea selepe motsong wa sefate hantle. A sa tl’o baballa letho. Ke moporofeta, mme ke yona tsela ya moporofeta wa nnete eo. Ba né ba tla ema le Lentswe ho sa tsotellehe hore ke mang. Leha ekaba mmae kapa ntatae; ha e etse phapang. Jesu o e entse. A se ke a mmitsa le mme feelsa; e ne e se yena. E ne e le Modimo. Modimo ha a na mme. Ba tla etsa, ebe ntate wa Hae ke mang? Le a bona?

¹⁵⁰ O ne a tla phatlola mme a ba ahlole. A ahlole phutheho e nngwe le e nngwe ya borapedi, hoba hara tsona ha ho le e hahlweng Lentsweng. Ha ke fumane le e nngwe hara tsona. Mme hang feelsa ha di hlaphisa, di kgahlano le Lentswe he. Ka hona ho ka tla jwang e...moporofeta a hlohonolofatse seo Lentswe le se ahlolang? Leha ho le jwalo, ha a batle ho e etsa, ho utlwisa ngwana’bo bohloko, empa leha ho le jwalo o tlameha ho e etsa hoba ke moporofeta. Mme ke moemedi wa

Lentswe la nnete la Modimo, mme ha a suthe ho Lona, ha ho mokgwa ho hang; taelo hodima taelo, le molao hodima molao. Le bona seo ke se bolelang? Tsela ya moporofeta wa nnete.

¹⁵¹ Ke ba bakae, “Morena, eka O ka nketsa moporofeta”? Ha A sebetse jwalo. Tjhe. Ha A sebetse jwalo.

¹⁵² O ne a tla ahlola boitshwaro ka bong bo bodileng ba dikereke, meketjana ena ya bancho le dintho tsena tseo ba nang le tsona, mekete ya dikarete, dilallo tsa meapeho. O ne a tla ahlola e nngwe le e nngwe ya tsona. O ne a tla di phatlolela diheling moo di tswang teng.

¹⁵³ Le nahana hobane le ne le tla mo amohela? Tjhe. Kereke kajeno e ne e sa tl'o mo amohela. Pentekosta e mo amohele? Be, o ne a tla kena ka mono, ho re, “Lona mphi ya boJesebele ba ponngweng moriri, ana ha le tsebe seo HO RIALO MORENA e se bolelang? Ho tsamaya ka ntle mona ka mosana o batlang o kgamotse letlalo, ha o tsebe hobane o molato wa ho feba letsatsi ka leng le makgolo a banna.” Ke seo a na a tla se bua.

¹⁵⁴ O ka re, “Be, sethoho seo sa kgale! Leqheku le lefatla, thaka le le putswa, mo tloseng sefaleng seo. Ha re boneng lona, le lekgotla la teraseti, batikone, mo ntsheng mona.”

¹⁵⁵ “Be, sekgakgatha ting sa baikaketsi ba madimabe.” Hantle. Amose o ne a tla kgaruma. Ebe le ipitsa, “Rona a . . . Re setho sa sehlopha *hona*. Re setho sa sehlopha *hwane*.” Le ba Diabolosi, ke ntata lona, hoba ke yena ya hanang Lentswe.

¹⁵⁶ Ho re, “Ke buile ka dipuo.” Mme o ntoo poma moriri wa hao? “Ho bokwe Modimo! Alleluia!” Bibele e itse ke e—ke dihlong, “ntho e dihlong,” ho mosadi ho rapela hlooho ya hae e kutilwe jwalo. O ntoo ipitsa Mokreste? Ha o swabe. Ako kgassetse sekgutlong kae-kae, ho lokisa ditaba le Modimo.

¹⁵⁷ Ho apara diaparo tseo tsa kgale tsa kgutlela, ebe o tswela jareteng, mme o itsharolle, athe o tseba hantle le ka nepo hore o feba le banna ba lekgolo letsatsi ka leng. Ho re, Jesu o itsalo, “Ya shebang mosadi ho mo lakatsa o se a mo febile.” Ke yena ya ipepesitseng, mme o e entse ka ho . . .

¹⁵⁸ Mono, wena, o shwele dinthong tsa lefatshe. O tsositswe mono, jwaleka ha ke boletse, tshimolohong. “O thintsha hlooho ya hao ka maswabi. Mahlo a hao a sesefatswa ke ntho e nyarosang hakaalo ya sebe, sebakeng sa ho sheba basadi le ho ba lakatsa. Lona banna ba etsang jwalo le ho ipitsa Bakreste?” Ke seo a neng a tla o bolella sona. Ke leka ho nka Mantswe a hae hoseng hona. E ne e tla ba Mantswe a hae. Hoba, yena, hopolang, ke moporofeta wa nnete. O ne a tla tlameha ho ema le Lentswe leo. Uh-huh. Ke mpa ke qotsa Mantswe a hae. Ke phetho. Hoba, ha le ka mo tlisa, ke Lentswe. Ka hona, Lentswe ke lena, Bolona. Mohlomong monna eo ha a yo, empa le na le Lentswe la hae, hoba o ne a tla be a nkile Lentswe la Morena.

¹⁵⁹ Thuto ka nngwe e entsweng ke motho, o ne a tla e ahlola, jwaleka kolobetso “ka lebitso la Ntate, Mora, Moya o Halalelang.” O ne a tla lahlela ntho eo Bosafeleng kwana. O ne a tla e ahlola, ho sa sale le lephoka la yona ho hang. E, monghadi.

¹⁶⁰ Ba bakae, lona, ke ba bakae ka kerekeng hoseng hona ba ka mo amohelang hodima ntlha eo eo?

¹⁶¹ Ke moo bao, mphi ena ya Lebitso Jesu, ba ne ba tla—ba ne ba tla re, “Oh, re ne re ka mo amohela tabeng eo.” Mme ebe mokgatlo wa lona, o ne a tla le harola hantle mabapi le yona. Ke hantle. Basadi ba lona ba ponngweng moriri, homme le e dumella. Ke hantle. Banna ba lona, ka moo ba etsang le ho itshwara kateng. Ke hantle.

¹⁶² Batho ba bangata ba re, “Ho hotle ho ba moporofeta.” Ho jwalo, ha o fela o ikanetse ho rekisa ka ntho e nngwe le e nngwe lefatsheng le ho ema le Modimo le Lentswe la Hae.

¹⁶³ Tjhe, re ne re sa tl’o mo amohela ho hang, diphutheho tsa rona tsa bodumedi kajeno. Ehlile re ne re tla tsamaela thoko le yena.

¹⁶⁴ Mo utlweng ha a e harola. O itse, “Wona Modimo oo le ipoledisang le dumela ho wona, O tla le timetsa.” Le tla etsang ka hoo? Wona Modimo oo Pentekosta e dumelang ho wona, ka baka la boitshwaro ka bong bo bodileng le dintho tseo ba di etsang le ho di dumella ho etswa, wona Modimo oo o tla dihela kahlolo hodima mekgatlo eo. Ke hantle. Ke seo Amose a ba boleletseng sona ka nepo.

¹⁶⁵ “Oh,” ba rialo, “re na le Abrahama. Re na le—re na le *sena*. Re na le molao. Re na le baprista. Re na le baporofeta.”

¹⁶⁶ Oh, moena, mahlo ao a sesefatswa ke ho ba sheba, mme a phatlolela Lentswe leo ka hara bona. E, monghadi. Ehlile. Ba ne ba sa tl’o mo amohela. Tjhe, monghadi. O itse, “Ba tla ba senya ka melao ya lona e entsweng ke motho.” Ke seo a na tla ba bolella sona kajeno. O ne a tla bua jwaleka ha buile mohlang oo. O itse, “Wona Modimo oo le o hahelang dikereke, mohlomong ho lefa dimilione tsa didolara, tsona diemahale tse halalelang tseo le di hahelang Jehova, eo le ipolelang le mo rata, wona Modimo oo o tla le timetsa hoba le latola Lentswe la Hae.”

¹⁶⁷ Ho jwalo le kajeno! Wona Modimo oo Amerika e ipolelang e o sebeletsa o tla dihela kahlolo hodima setjhaba le ho se timeletsa. Ke tshepa e thopothela hoo le tla sitwa ho itswaketsa ho e phema. Yena Eo le itlalehang le mo rata, mme ka ditshomo tsa lona tse entsweng ke motho, le bophelo bo bodileng le manyala ao le a kentseng ka hara lona, hole le Lentswe la Modimo, o tla le timeletsa ka tsatsi le leng. Hoo ke HO RIALO MORENA. Ha ho letho le ba saletseng.

¹⁶⁸ Tsepamang Lentsweng! Ba boelle Evangedi; parolang setjhaba; ba bolelleng Nnete. Bareri ba pheha kgang mme ba hweletsa, mme ba etsa jwalo. Banna ba a ahlola. Mekgatlo e a o leleka. Basadi ba tsokotsa hlooho ya bona, mme ha ba hodise moriri wa bona, ka letho. Ba apara diaparo tsa bona hantle ka ho tshwana, selemo ka mora selemo. Eka ho tshela metsi mokokotlong wa letata. “Ebe le itlaleha ha le rata Modimo?”

¹⁶⁹ O itse, Jesu o itse, “Le nkile meetlo ya lona mme le fetotse Melao ya Modimo ntho e se nang matla.”

¹⁷⁰ Ke tsela ya moporofeta wa nnete eo. Le a bona? Hase tsela e bonolo. Hase seo motho mang le mang a e nahanang e ka ba yona.

¹⁷¹ Ho qhomela hodimo-le-tlase le ho hweletsa, motho e mong le e mong a o phathatsa lehetleng, e tla be e le pontsho ya hobane ha o moporofeta wa nnete. Ke e nngwe ya dipontsho tsa hoba ha o eso fumane seo o buang ka sona.

¹⁷² Ke neneng ba kileng ba mo phathatsa mokokotlong, ba sa mo kwetlala lerumo ka kobong? Eng? O ne a tla boy a sekwele a ba ahlole. Hantle. Ba ke ke ba phathatsa Amose mokokotlong. Ba ke ke ba phathatsa Elia mokokotlong. O ne a sa mamelle tse jwalo. Tjhe, monghadi. O ba boleletse Nnete ya Modimo. Mme ha Lehodimo le fela le le holo hakana, le moo re yang teng, jwale ha re sa kgone ho tsepama le dinthwana tse sa reng letho, re tla tsepama jwang le Moya Mono? Le tlameha ho tsepama le Lentswe. Ke yona tsela ya moporofeta wa nnete. Leha e mo tabola dikoto, ho E bua, yeah, o tlameha ho tabola setjhaba dikoto, ka Yona. Ke hantle. Empa ke yona tsela.

¹⁷³ O ne a tla e phatlola. Oh, kgidi! Le tseba seo a ba boleletseng sona? “Letomoto,” ha le ka elellwa mona. O itse, “Ha e mmusong wa lona. E ka ho lona.” Ke seo a se buileng. Yeah. “Letomotomo kahara kereke, sebopheho sa lona sa borapedi, ke sona se etsang bothata.”

¹⁷⁴ Lebaka leo bokomonisi bo jang setsi naheng kajeno, hase ka baka la bokomonisi. Ke ka baka la kereke. Ke ka baka la batho. Kajeno ba ipitsa Mokreste. Ba bina sa Mangeloi. Mantswe a kwetlehileng, le ho bua ka mathemalodi a makana, eke Diarekangeloi; mme ba hane ho dumela Lentswe la Modimo, seka bodiabolosi. Ke hantle. Ho bina sa Arekangeloi, ho apara jwaleka ntho eo ke sa e tsebeng, le ho latola Lentswe la Modimo.

¹⁷⁵ Monna, mmoledi sefaleng, ya ka emang mono mme a bitswa Ngaka, Mohlomphehi, mme a botswa, “Na Bibebe e tlalehile kolobetso ‘ka Lebitso la Morena Jesu Kreste,’ kapa, ‘Ntate, Mora, le Moya o Halalelang?’” Mme a o tshehe sefaahlamahlo mme a nke, “Ntate, Mora, Moya o Halalelang.” Ebe o ipitsa ngwana wa Modimo?

¹⁷⁶ Basadi ba tseba hoba Bibele e ba ahlola ho etsa dintho tse itseng, le ho poma moriri wa bona, le ho itshwara selefatshe, le ho apara diaparo tse manyala le dintho tse kang tseo, mme ha ba phetse ho e etsa, le hona; le ho bua ka dipuo, le ho qhomela hodimo-le-tlase, le ho hweletsa, le ho tshwara disosaiti tsa bomme ba hodileng, le diboka tsa moroko, le ho romela dimishinari temeng. E fetohile lephoka mahlong a Modimo. Mme, HO RIALO MORENA, O tla timetsa ntho yohle. O tla e etsa.

¹⁷⁷ Hase ntho e bonolo, empa ke tsela ya moporofeta wa nnete. Ho E phatlola ka ntle mono, le ho E bua, e leng hore E a thonkga kapa tjhe.

¹⁷⁸ Johanne e ne e le moporofeta wa nnete. O itse, “Selepe se beilwe motsong wa sefate.” Ke tsela ya bona eo. Ehlide.

¹⁷⁹ Bothata bo ka hara yona. Ho bina sa Mangeloi, ho tantsha sa bodiabolosi ka ntle mona, ditantshe, ho itshwara jwalo, ho bapala dikarete, mabelo a mejaho. Mapentekosta, ho tjhakela dibaka tsa boithabiso, dipontsho di tletse bona. Tulo e nngwe le e nngwe, mofuta ofe feela wa papadi ya kgale leha e le ntho efe feela, le ho theohela hona mono, le mabelo le ntho efe feela, mme ba ipitsa Bakreste, mme ba nyoloha ba howeletsa, le ho bua ka dipuo, le ho hlatswa maoto le selallo.

¹⁸⁰ Kgele, ke—ke “Jwaleka ntja ha e boela mahlatseng a yona,” moporofeta o itsalo, “le bona ba etsa jwalo.” Efela ntho eo ha e ne e le ya lefatshe, ya lokela ho rahelwa ka ntle ho wena, hobaneng o kgutlela ho yona hape? Hantle. Ka ntle seterateng, ho sonopana, ba e bitsa, rokon-rolo, ho poma moriri, ho apara dishoto. Oh, kgidi! Ba ipitsa Bakreste. Na o ka... Tjhe, nka mpa ka lesa ho e bua.

¹⁸¹ Ke ka hona ke ba ahlolang. Ke tla dula le Lentswe *lena*, ha Lentswe lena le tla ho nna, ke tla dula le Lentswe lena. Ke sona se tlang ho nna, Lentswe. Ho e ahlola!

¹⁸² Ho bolela hobane ba tsamaiswa ke Moya o Halalelang, le ho etsa dintho tse jwalo. Le ka nahana ka mosadi, ya tsamaiswang ke Moya o Halalelang, ya dumellang moriri wa hae ho pongwa, athe Moya o Halalelang o a e ahlola? Ebe Moya o Halalelang ke Motho wa mofuta ofe? Na le ka ipotsa?

¹⁸³ Na le ka nahana ka moreri ya emang sefaleng, mme monna e mong a mo phephetsa ho supa sebaka se le seng moo motho a kileng a kolobetswa ho sebediswa mabitso a tlotsi a “Ntate, Mora, le Moya o Halalelang,” mme a o tshehe pontsheng a be a o bitse lehlanya, ka ho kolobetsa ka Lebitso la Jesu Kreste, le ho bolela a tsamaiswa ke Moya, le ho bolela a ena le Moya o Halalelang? Na Moya o Halalelang o ka latola Lentswe la Wona ka Sebele? Tjhe, monghadi. Uh-huh. Le a bona na? Ke a kgolwa le a e tshwara.

¹⁸⁴ Ha ke tsebe hore ho setse nako e kae. Ho qhoma ho latelang ho ka mphumana. Empa, ho fihlela ho etswa jwalo, ke tla be ke eme mona ka Lentswe. Mohla ke kopanang le lona kwana Kahlolong, ke tla be ke eme Lentsweng leo hantle. Ke sona seo ke se dumelang e le Nnete.

¹⁸⁵ Tjhe, ha o etse dintho jwalo, mme o nto ba le Moya o Halalelang. Ho etela mosadi wa moreri ka mohla, a dutse mono a apere mose, ho ne ho tshabeha tjhebehong.

O re, "Ha o na ditokelo tsa letho."

¹⁸⁶ Ke na le tokelo. Leo ke Lentswe. Le rere kaofela. Le di tlodisa mahlo, boholo ba bareri ba sadifetseng, hoba ha ba na sebe-... Mohlomong ha o a biletswa le ho rera, tabeng ya pele. Yeah. Empa mohlanka wa nnete wa Modimo o tla dula Lentsweng leo. Hantle.

¹⁸⁷ Mosadi wa moreri a dutse mono, a patisitswe ke mose, masale a leketla, le ka pilo ya sefahleho, le moriri o ponngweng. Athe, Modimo o ahlola ntho yohle e le ditshila. Mme o nto re o na le Moya o Halalelang?

¹⁸⁸ Ke ne ke rera mona Phoenix, nakwana e fetileng, ka ntho e kang eo, mme mosadi wa moreri a dutse sefaleng, ka moriri o mong wona o kang wa bashanyana o hlahlathilweng, mme a apere mose oo a sa kgongeng ho thiba dikhetha tsa hae tsa kahare hore di se hlahe. O sa kgone ho kwahela mangole a hae. Di-intjhi tse nne kapa tse hlano hodima mangole a hae, a dutse mono; a qhomela hodimo-le-tlase, a eteletse difela kapele. Ka e phatlola ka thata kamoo nka kgongang. Hoba, a ke ke a boela a mmema. Ha ke lebella. Empa o tseba nnete le phoso. Mohla ke emang Kahlolong, ha esale matsohong a ka. Le ho tloha mme ho thwe . . .

¹⁸⁹ Monna, eo ho thweng ke moruti, ha ke re hase yena, o entse tlahiso tsatsi le leng, pel'a metswalle ya ka e itseng motseng o mong oo ke neng ke o etetse. Le tseba moena eo. Mme moena enwa a kena. A re, be, a re, "Re kile ra tjhakelwa ke Moena Branham kgetlo le le leng mona." Motseng o mong, homme kwana Bophirima. Mme monna enwa a re, "Oh, Moena Branham ke monna ya lokileng." Le a bona? A tseba hantle ho se silafatse seriti sa motho. Ho re, "Moena Branham, empa le se ke la mamela diteipi tsa hae, hoba di tla le ferekanya."

¹⁹⁰ Athé e mong wa metswalle ya ka o ne a dutse mono, a re, "Motsotsa feela, monghadi. Ke ne ke ferekane ho fihlela ke mamela diteipi." Yeah. Ke yona phapang. "Ke ne ke sa utlwisise ho ya kang ha Modimo o halalelang o ka mamella dintho tse kang tseo, jwaloka ha le lona le etsa." Yeah.

¹⁹¹ Yena motho eo, e mong ya na tsamaya le yena, o ne a eme tulong e nngwe nakwana e fetileng, ho re, "Moena Branham

ke moporofeta. O kgona ho senola dintho. Le dintho tse kang... Empa," ho re, "jwale, le se ke la mamela Thuto ya hae, hoba ha e a loka." Bohlanya, tlhahiso e nthithi jwalo!

¹⁹² Na ha o tsebe hore ha eba e le... Ha ke moporofeta. Empa ha Lentswe la Modimo le lokile, Le tla ho moporofeta. "Lentswe la Morena le tlide ho baporofeta." E ne e le bona ba tolokang Lentswe. Ka hona, le a bona, ha e le...

¹⁹³ Ha e etse le kelello, haese ho ipata ka mora' phutheho ya bodumedi e sa reng letho, ka le leng la matsatsi ao di tla pshatleha mme di hwame, mme di timele diheleng.

¹⁹⁴ Empa Lentswe la Modimo le tla hlola kamehla. Hodima Lefika leo ke tla haha ditshepo tsa ka kamehla, hodima Lentswe la Morena. Ntho e nngwe le e nngwe e sele e ke e tebe. Ha nka lahlehelwa ke motswalle e mong le e mong wa ka, ntho e nngwe le e nngwe e sele, setswalla sa ka se ho Kreste.

Tshepo tsa ka ha dia hahuwa hodima letho
Haese Mantsweng a Jesu feels ka ho loka;
Mohla tsohle di putlamang mathokong a moy
wa me,
Ke tshepo ya ka yohle le tshiya.

¹⁹⁵ Sethunya seo se phatlohile tsatsi le leng. Ke bone. Ka hopola hobane ke shwele. Ka fihlelwa ke maikutlo a kgotsofalo. Ka qamaka. Ka nahana, "Be, ke lona lena." Phutheho ya bodumedi e ne e ka nthusa ka'ng? Mokgatlo o be o ka nthusa ka'ng? Ke ne ke tla lokela ho ema dikahlolong tsa Modimo tse tukang, ho ahlolwa ka Lentswe *lena*.

¹⁹⁶ Leha ekaba ke lokela ho tlabola, le ho koba, le ho sotha, le ho harola, batho ba bangata, empa ke tshepile ho etsa, ho finyella lefi la makoma ntile mono, la Lentswe la Modimo, mme teng ho boptjwe moyo wa Bosafeleng. Ke hantle. Modimo a ke a o kenyé matsohong a Hae le ho o bopa ho ba ngwana ya nang le kutlo.

¹⁹⁷ Ho ka tla jwang—ho ka tla jwang hore monna, ya tsamaiswang ke Moya o Halalelang, a etse ntho e kang eo? Kapa, mosadi ya nang le Moya o Halalelang, a etse ntho e kang eo? Tjhe. O a halalela. Mme ha Bophelo ba Hae bo le ka ho wena, o a tshwana. O tla itshwanela le Yena.

¹⁹⁸ Israele, jwaleka rona, ya hopola ka hoba ba ne ba atleha setlamong sa bona le ba bang, Modimo o no e tjhaella monwana. Jwale, le a tseba, re nahana hoo kajeno.

¹⁹⁹ Ke qoqile le banna ba mmalwa mona nakwana e fetileng, hoteleng, matsatsi a mmalwa a fetileng, banna ba phahameng diemong tsa borapedi. Mme ba re ho nna, "Modimo o a paka hoba O na le rona. Kgele, re eketsehile ngwahola, Moena Branham," ke lebala hore ke makgolo a makae, ka mokgwa oo.

²⁰⁰ Ka re, “Hase le tiisetso e le nngwe eo.” Uh-huh. Ke hantle. Bootswa bo ja setsi, bo eketsehile ngwahola, ka dipheresente tse bang mashome a mararo; ebe hoo ho supile Modimo a ne a tshehetsha bootswa? [Phutheho e re, “Tjhe.”—Mong.] Uh-huh. Uh-huh. Uh-huh. Ehlide. Huh! Kgang eo ha e a loka. Tjhe. O ke ke wa e etsa. Tjhe, monghadi. Modimo o ema le Lentswe la Hae. Monna ofe feela o ye a eme le Lentswe la Hae, ha a tshephahala. Ke hantle.

²⁰¹ Ba nahana, kahobane ba tlabotse selekane! Jwale, mona, re tla kena, nakwana feela, ditabeng tsa mmuso. Setjhaba sa rona se hlobohile Lentswe la Modimo, jwaleka ha Iseraele a entse. Ba hlobohile Lentswe la Modimo, mme batho ba sona, baprista ba sona, le baporofeta, le ba jwalo, ba ba porofetela molemo. Mme, bao, re ka etsang haese ho porofeta phoso, hobane e kgahlano le Lentswe! Se faladitswe. “Setjhaba sa rona, se seholo se ratehang, se theilweng hodima e... boiphihlelo ba rona ba baholo ba rona.” Kgutlelang morao ho seo ba bileng le sona. Uh-huh. Hantle. Ehlide.

²⁰² Iseraele e ne e setjhaba se seholo. Shebang baholoholo ba yona, empa Modimo ha o a ka wa ba baballa. Moporofeta eo wa kgale ya lefatla o ne a akgella Lentswe, mme ya etsahala hantle kamoo a e boletseng kateng. Balang nalane ya lona mona mme le fumane ha e sa loka na. E etsahetse hantle kamoo a e boletseng kateng. Mme a ba ahlola, leha kwana, ba ne ba eme mono, mme baprista ba halalelang ba apere diaparo tse halalelang, bafafatsa *sena*; mme ba ke ke ba sisinya letsoho, ka mokgwa *wona* kapa ka mokgwa *wane*, hoba e ne e le ntho e ka mokgwa *wona*, moetlo kapa ntho e nngwe.

²⁰³ Jesu o boletse, “Le bana ba ntata lona, Diabolosi, mme le etsa mesebetsi ya hae.” Ba Mo tshwara mme ba Mo ahlola, mme ba Mo feha sefateng, mme ba Mo bolaya. Ke hantle haholo. Modimo o ile wa Mo tsosa hape. E, monghadi.

²⁰⁴ Tjhe, ba ne ba ke ke. Re ne re sa tl’o dumela Amose kajeno, ho hang. Mme kajeno re tlabotse selekane. Kajeno re na le seo re se bitsang... Re nahana hobane e “tjhaellwa” ke Modimo, kahobane mekgatlo ya rona e a hola mme—mme ntho ka nngwe e tsamaya kamoo e tsamayang kateng. Re nahana hobane ke “tjhaello” ya Modimo hodima yona. Le a tseba, ba ingodisitse, ke a kgolwa, dimilione tse pedi kapa tse tharo hape tsa Maprotestanta. Le Makatolike e ekeditse milione o mong. Le a bona? Ba hopola hobane eo ke tiiso ya Modimo, ka fetoha ha bona Katolike. Maprotestanta a hopola hobane ke tiiso ya Modimo, ha e le Maprotestanta. Huh! Ke dithole. Ke kgapanane ya kanono. Ke melora ya atomo. Ke kgalefo ya Modimo e qhobellanang, ho qhoma. Ke hantle haholo.

Le mmamele. Ke tla le bolella Lentswe la Morena. Amen.

²⁰⁵ Re shebeng. Shebang lefatshe kajeno. Shebang setjhaba sa rona. Re ikgomantse le U.N. [Matjhaba a Kopaneng—Moft.]. Ka hara wona ke eng? Sehlopha sa batho ba hlokang borapedi. Mme rona, ha re na le sebete sa ho etsa thapelo pele diboka tsa rona di kena.

²⁰⁶ Na hase nna ya tswa bala mona, “Ba babedi ba ka tsamaya mmoho jwang ba sa dumellane? Modimo ha o etse letho pele o le senoletse bahlanka ba Hae, baporofeta. Ba babedi ba ka tsamaya mmoho jwang ba sa dumellane.”

²⁰⁷ Hodima, re fumana Mohamede, Buddha, bahetene, ba hlokang borapedi, baitshepi, ntho ka nngwe, ka hara wona. Le nahana—le nahana Modimo a ka haha nthong e kang eo?

²⁰⁸ “Be,” o rialo, “hoo, be, re hlabil selekane le bona. Re fumane tshireletso yohle ya Bophirima.”

²⁰⁹ Ba ne ba teetswe hare ke ditjhaba tsohle, tshireletsong. Empa moporofeta eo o itse, “Modimo o tla le senya. Yena Modimo eo le mo sebeletsang o tla le senya, ka baka la bothoto ba lona.” O ne a tla bua ntho e tshwanang hoseng hona. O ne a tla kgaruma, ho qala White House ho theohela kwana polasing e futsanehileng. Ehlile o ne a tla e etsa. O ne a tla ba phatlola, ka Lentswe la Modimo. Ehlile o ne a tla e etsa. Ke tsela ya moporofeta wa nnete eo.

²¹⁰ “Re shebeng, dikereke. Oh, re kereke e kgolo e halalelang ya Roma e Katolike!” Ho builwe, Bibeleng, ho thwe ke SEOTSWA.

²¹¹ “Re baptriareka ba bontate, dikereke tsa Protestanta, tsohle di kopane kaofela, mme di bitswa . . . e reilwe Lekgotla la Dikereke la Lefatshe.” Dihlola tsa SEOTSWA, Bibele e itsalo. Ke seo E se buileng hantle. Uh-huh. Mme leha ho le jwalo re a nahana, “Mme jwale dikereke tsohle di teana mmoho.”

²¹² Mongh. Collins, motswalle wa ka, moena ya California, Arizona mono. Wa lona—wa lona . . . [Moena Neville o re, “Elmer.”—Mong.] Elmer. Ke ile ka re, “Be, ke a kgolwa o tsamaya kerekana e itseng e lokileng ya Methodist.”

²¹³ Ho re, “Ke ne ke tswe ho yona mohla ba ne ba ikgomahanya le Lekgotla La Dikereke hodimo mono.”

²¹⁴ Ka re, “Modimo a o hlohonolofatse. O ntse o atamela Mmuso, moena.” Uh-huh. E, monghadi.

²¹⁵ Tshomo, ho itshetleha ka selekane sa banna, le ka thuto ya bona e entsweng ke motho, mme ba tlohela Lentswe la Modimo. Seo re se hlokang kajeno ke moporofeta, ho phatlola Lentswe leo ka mono. Ke hantle haholo. Yeah.

²¹⁶ Bao, ba tshabela polokehong ya bona. “Oh, re ngomelane. Rona, Mapentekosta, ehlile, re ngodisitse Lekgotleng la Dikereke La Lefatshe, hoba ka mono re na le setswalle. Re

sla ba hapa.” Jwaleka mosadi ya yang tameneng, ho tahwa le monna wa hae, ho mo hapela ho Modimo. Jwaleka monna ya tsamayang le mosadi, matsatsing ana, ho ya tameneng, ho tahwa, ho mo hapela ho Modimo. Dithole! Siroha lebala la Diabolosi.

²¹⁷ Ntho efe feela e latolang Lentswe leo, ke kgahlano le yona. Mme hoo ho mpea kgahlano le mokgatlo o mong le o mong, hoba o kgahlano le Lentswe. Eka kgona e etse hore modumedi ka mong a ikutlwé jwalo. Huh!

“Be,” ba re, “empa, hopolang, re na le . . .”

²¹⁸ Ke tshwere sekgetjhana se seholo pampiring, motho a nthomeletseng sona ho tswa Arizona, kamoo mopatriareka *Sekete-kete* enwa, tsatsi le leng, a itseng, “Mopapa Johanne wa Mashome a Mabedi le Pedi,” kapa e leng hore ba mmitsa eng, “ho bile . . . Ke monna ya lokileng. Ke yena feela monna ya buileng ka ho kopanya dikereke, Makatolike le Maprotestanta, mmoho.” Ho re, “Mohlomong e ke ke ya hlaha matsatsing a rona, empa, dilemong tse leshome le metso e mehlano kapa tse mashome a mabedi, e tla fihla mona.”

²¹⁹ Ka nahana, “Moshanyana, wena o leng mopatriareka, o ntse o porofeta, mme ha o e tsebe.”

²²⁰ “Nako e tsamile ho feta kamoo re nahanang.” Thaka le nngoletseng yona, la ngola hodima leqephe, “Nako e tsamaile ho feta kamoo re nahanang.” O ne a ntse a mametse diteipi, le yena. E, monghadi. A re, “Nako e tsamaile ho feta kamoo re nahanang.” Ho re, “Moena Branham, na ha o a bua see, dilemong tse fetileng?”

²²¹ Ka re, “Ehlile.” E, monghadi. E a etsahala, hoba ke Lentswe la Morena. E loketse jwalo. Ehlile. Yeah.

²²² Ba re, “Be, mopatriareka ya halalelang enwa, ha o nahane a lokela ho tseba letho ho feta moo?” Tjhe, monghadi. Ha a latola Lentswe la Modimo, e shebe ka tsela eo, a ke ke.

²²³ Ha ke tsoetelle ke bomopapa ba bakae, baporofeta, le ntho efe feela eo le nang le yona hara lona. Ha eba ba kgelohile Lentswe, o kgelohile Lentswe. Ke hantle. Modimo a ka hlohonolofatsa ntho e jwalo jwang, ha feela ba latola lona Lentswe la Modimo? A ka hlohonolofatsa ntho efe jwang ntle le Lentswe la Hae, ntho e hlabanang le Lentswe la Hae? A ka Le latola jwang?

²²⁴ O ka hlohonolofatsa jwang mofetshe o o jang? O ka hlohonolofatsa jwang e—e—e thapo ya motlakase eo o tshwereng, ho re, “Oh, ak’o ntshware mme o ntjhese lore”? E tla be e le bohlanya.

²²⁵ Modimo a ka hlohonolofatsa jwang ntho e hlabanang le Lentswe la Wona? Ka baka leo kgutlela Lentsweng! Uh-huh.

²²⁶ Lona mphi ya bareri, le kang seholpha sa dintja, molato ke'ng ka lona? Le tswela ntle mona mme le rekisa ditokelo tsa lona tsa boholo sebakeng sa hlekehleke ya moapeho, ho kganna hohle ka Cadillac ya mofuta kapa ntho e nngwe, kapa ntho e kgolo, ntlohadie phahameng kae-kae, le kereke ya milione wa dolara. Le dintho tseo tsople tse jwalo, le ho rekisa ditokelo tsa hao tsa boholo, mme o a swaba le ho tshaba ho rera Lentswe la Modimo diphuthehong tsa lona. Kgidi, ha o itshwabele? Homme o ipitsa mohlanka, moporofeta wa Modimo, o ntse o rekisa ditokelo tsa hao tsa boholo sebakeng sa hlekehleke ya lefatshe. O tla qhotsa eng? Jwaleka ha Esau a entse. Oh, dihlong tse kakang!

²²⁷ Oh, tjhe! Modimo o halalelang o lebelang Lentswe la Wona, ho Le netefatsa, o ne a sa tl'o hlohonolofatsa ntho e kgahlano le Lentswe la Hae. Jwale le mamele. Ke a tseba hore ke batla ke siiwe ke nako, mme mohlomong ke a le tshosa ke a le bolaya. Empa, le shebe, ke batla ho le botsa taba. Modimo o halalelang, O buileng Lentswe la Wona mme wa re, "Jwale, mahodimo le lefatsho di tla feta, empa Hoo ho ke ke ha feta, leha e le Lentswe le le leng la Yona," jwale A ka nka jwang ntho e kgahlano le Hono le ho e hlohonolofatsa? O ne a ka e etsa jwang? Shebang. O a paka, ka Boyena. O netefatsa Lentswe la Hae. O bua se nepahetseng, e seng ho latela bongata ba maloko.

²²⁸ Shebang Moabe. Moabe o ne a ena le Lentswe la Hae, le yena, Moabe. Israele e ne ena le Lentswe la Hae; mme Moabe o ne a ena le setshwantsho sa borapedi, ka Lentswe la Hae. Ba hlahisitse dihlabelo tse supileng, dipholwana tse hlwekileng, hodima dialetare tse supileng; palo e phethahetseng, sehlabelo se phethehileng. Hape, ntle le moo, a nka dipheleu tse supileng, tse bolelang hore ba ne ba dumela ho kgutleng ha Mora Modimo, le ho di nyehela hodimo mono, le arekabishopo ya bona e kgolo. Baholo ba bona bohole, baprista ba bona bohole le baprista ba baholo, ntho e nngwe le e nngwe e sele, ho ema le marena a bona le dipresidente, le eng hape, le ho hlahissa sena ba tletse borapedi boo ba bo kgonang, kgahlano le Israele.

²²⁹ Mme ke eo Israele tlase mono, seholtswana sa bakwenehi, ba shebahala jwalo. Empa Israele e ne e eme le eng? Modimo o ne o le teng letsholong la bona. O ne a Ipaka, hore O ne a ena le bona. Le a bona?

²³⁰ Ho sa tsotellehe ba ka ba le bapatriareka ba bakae, bomopapa, kapa ntho efe feela, Modimo a ke ke a dula le bona pele A Ipaka mmoho le bona. Mme ha feela ba tswile Lentsweng La Hae, mme ba latola Lentswe la Hae, A ka hlola le bona jwang? Dipontsho tsa Modimo o phelang ha di yo hara bona.

²³¹ Modimo o ne a ka dula hara U.N. jwang, athe ba babedi ba ke ke ba tsamaya mmoho ba sa dumellane?

²³² Jwale, shebang mona. Kereke ya Kreste ke eo, eo ho thweng ke yona, e ikgomantse le Mapentekosta. Pentekosta e re ba dumela ho bua ka dipuo. Ba dumela bopaking ba Moya o Halalelang, ho bua ka dipuo. Ba re ba dumela ho *sena, sane*, le se *seng*. Ba dumela mehlolo le meeka. Kereke ya Kreste e a ba tsheha, ho re, “Lona sehlopha sa dithoto! Moo e ne e le matsatsing a fetileng.” Ba babedi ba ka tsamaya mmoho jwang ba sa dumellane? Mme ba ikopantse. Ba etsang? Ba batla ho sireletsana. Tsa’mo welang kwana ka dintho tse kang tseo!

²³³ Polokeho ya ka e ho Kreste le Lentsweng la Hae, hoba Lentswe la Hae ke Yena. Ke hantle.

Ha ho dipontsho tsa Modimo o phelang, ho hang.

²³⁴ Ke seo Jesu a se buileng, “Ha Ke sa bonahatse Lentswe, le se ke la Le dumela. Ha Modimo o sa bue le ho porofeta ka Nna, le ho bua ka Nna le ho sebetsa ka Nna hantle feela seo Messia a tlamehang ho se etsa, jwale le se dumele ho Nna.”

²³⁵ Ebe, motho o re ke moporofeta ya romilweng ke Modimo, mme a latola Lentswe? Modimo a hauhele dintho tse jwalo! Modimo a ka etsa tse jwalo jwang le ka mohla?

²³⁶ Ha nke ke botse, ho botsa, taba ena jwale. Ha—ha ke tsebe mohla ke tla bua le lona hape. E tla itshetleha ho Modimo. Ke mpa ke boloka Dijo, jwaloka ha A ntaetse ponong eo mohla oo, ho Di kenya ka hara difaki.

²³⁷ Le ka mpotsa, “Amose o bone jwang se tla ba hlahela?” Kgele, e ne eka e e lokile.

²³⁸ Shebang. Jwale shebang mona. Jwale, le mamedise jwale. Hoba, Sena sohle se teiping, mme E ya, E tla pota lefatshe ka bophara. Le a bona? Jwale ho tla jwang... Shebang mona.

²³⁹ Iseraele e ne e le eo. Dikholeshe tsa bona tsa thuto di le maemong a matle ho feta pele. Ha ho motho ya ba kgathatsang. Ba ena le borapedi ba bona. Ho se motho ya itseng, “Le ke ke la rapela Jehova.” “Tswelang pele,” ho rialo ditjhaba tsa bohetene, “rapelang. Re a dumellana, mmoho.”

²⁴⁰ Moporofeta eo o bone ka nqane ho seo. Le a bona? Le jwalo moporofeta o tla bona ka nqane ho yona le kajeno. Le a bona?

²⁴¹ “Tswelang pele.” Mme Iseraele ya re, “Be, a re jeng, re nweng, mme re thabeng.” Ka baka leo ba kgobokanya sehlopha mmoho ba iketsetsa dutumelo, le mekgatlo, diphutheho tsa borapedi, le dintho, le ho e lokisa ka hohle. Mme basadi ba bona ba iphelela boiketlong le sebeng ntle mono. Moshaana, ba iswa hoohole direshurenteng le ntho e nngwe le e nngwe, ba apere ka mokgwa o sa tlalang, dikhetenyana tse kang silika. Ha o kile wa bona tse ding tsa bona—tsa bona dinalane tsa

matsatsing ao, kamoo ba neng ba shebahala kateng, oh, keha ba mpefetse jwalokaha ba etsa kajeno ka karolo ya nngwetharong. E seng hakaalo, le hona, hoba ba ne ba sa tl'o kgona. Yeah. Le kamoo ba entseng kateng mme ba itshwara jwalo; le marena, le baprista, le motho e mong le e mong o sele.

²⁴² Jesu o itse, “Le metsa matlo a bahlolohadi, lona baikaketsi.” O e buile. Le dintho tsena tsohle tseo ba neng ba di etsa.

²⁴³ Moporofeta eo keha a eme mono, a shebile ntho eo, setjhaba seo jwalo, ha ho makatse ha pelo ya hae e bile ya rutleha ka ho yena. E, monghadi.

²⁴⁴ Jwale, o re, “O tsebile jwang se tla hlaha? O ne a ka e bonela-pele jwang? Jwang?” E ne eka e lokile. Oh, ba na le dijo tse ngata. Ba apara tse ngata. Bona, ba na le dikereke tsa bona tse kgolo. Ba a atleha. Tjhelete e hasane hohle, boiketlo. Ditantshe seterateng, boitshwaro bo nyehlileng, le ntho ka nngwe e etsahalang, mme ntho ka nngwe e tsamaya ka thello. Jwalole ka Amerika kajeno. Thelebishene e tletse meswaso e ditshila, basadi ba batlang ba hlobotse, ntho e nngwe le e nngwe e sele. Ntho e nngwe le e nngwe eo le e bonang ke tshila le sebe. Ha le a tlameha ho sheba thelebisheneng, bulang mahlo a lona feela, shebang hohle. Banana, bashanyana, banna, basadi; ho tsuba, ho nwa. BoJesebele bao ba ipitsang Bakreste. Matemona a nyonyehang a ipitsang Methodise, Baptise, Presbeteriene, Katolike, le Mapentekosta. Uh-huh. Uh-huh.

Hase mohlolo ha e bile ya sesefatsa mahlo a hae ha a tadima. Huh! Ke hantle.

²⁴⁵ “Ekare tsohle di lokile. Le ka pholosa jwang, ha eba re tlamehile ho etsa...Jwang? Jwang? Shebang mona. Be, rona, rona re fumane milione o mong hape. Rona, rona re na le mehaho ya rona. Re...Oh, dikereke tsa rona ke tsa ditonana hona, re loketse ho haha dikereke tse ntjha. Be, re na le tjhelete e ngata hona, ha re tsebe re etseng ka yona. Kgele, re haha dibaka tse fetisang ka botle hara—hara setjhaba. Dikereke tse fetisang ka boholo tse leng teng, ke tsa rona. Mme re sa ntse re saletswe ke tjhelete e ngata. Ha o nahane hobane Modimo a re sitsitse?” Tjhe. Le fapohile Lentswe la Hae.

²⁴⁶ “Mme, Moena Branham, o re Modimo o tla falatsa ntho ee?” E, e ngwe le e nngwe ya tsona.

“Ebe o tseba jwang?” Amose, u tsebile jwang?

²⁴⁷ Jwalo feela ka ngaka e hlahlobang bothata. Ha e fumana lefu la mokudi, o tseba seo a lokelang ho se etsa. O tseba seo mokudi eo a nang le sona. O tseba kamoo le jeleng setsi kateng. Mme o tseba se tla etsahala. Mme e jwalo tsela ya moporofeta wa nnete, moporofeta wa nnete, ha a bona. Ha ke tsotelle seo le

se etsang. Ha a bona sebe se ntse se keka, ke mofetshe o jang. Mme o jele setsi hona, Mapentekosta le ba bang bohle, ha e sa tla kgutla. O hatetse bohatong bo pele. Ba tla timela.

²⁴⁸ Amose o kgonne jwalo ho hlahloba lefu. O le hlahlobile ka Lentswe la Modimo. Ke kamoo e—e moporofeta wa nnete a hlahllobang lefu kateng, mme a re ho basadi bao, “Le se leke ho ya Kahlolong ka moriri o ponngweng, athe le bile le tseba hantle.” Ho re ho lona banna, lona kaofela, le lona bareri ba latolang Lentswe, mme le ena le sebopoho sa borapedi, le ho ikgomathisa mekgatlong, ho kwekwetla tlhahiso, athe le tseba hantle. Le sheba lona Lentswe leo baporofeta ba nnete ba ka le shebang. Hlahlolo ya lefu e itse, “Ho shwa! Karohano!” Jwalo feela ka ngaka, o tseba bothata. O tseba ka matshwao a lona.

²⁴⁹ Shebang setjhaba sena. Ha o re, “Ho fedile ka Pentekosta.” Athé, ba ke ke ba o dumella le ho tla kerekeng, hoba o rerela basadi ka moriri o ponngweng, mme Bibele e a e ahlola. Ho tshabana le hore o tla bua ntho e nngwe ka yona.

²⁵⁰ Tsatsi le leng mona, mohla ke ne ke rala matsholo, Roy Borders e ne e le yena, Lebopong la Bophirima, eo ba tlleng le yena, sehlopha sa bareri, ba ka bang, oh, ke a kgolwa mashome a mane kapa a mahlano a bona, moo ke neng ke tshwere kopano e kgolo. Ba re, “Mongh. Borders, ke batla ho o botsa ntho e nngwe.” Ho re, “Ke nnete hore Moena Branham o sebedisa Lebitso la Morena Jesu Kreste kolobetsong?”

²⁵¹ Mongh. Borders, monna ya seriti haholo, kamoo le tsebang Moena Borders ho tswa mona. A re, “Benghadi,” a re, “Moena Branham, ha a tswile ka matsholo, ka ntle, tjena,” ho re, “ha a rere. O mpa a tswelapele mme a rapella bakudi ba lona. E batla e le phetho seo a se etsang.”

²⁵² Ho re, “Ha se seo ke o botsitseng sona,” mookamedi a rialo. “Na o etsa jwalo?” Jwale, ba ena le diteipi. Ba tseba. Ho re, “Na o kolobetsa ka Lebitso la Jesu Kreste?”

²⁵³ A re, “E, kerekeng ya hae. Ke hona feela moo a kolobetsang teng, kerekeng ya hae.”

²⁵⁴ A re, “Ke moo. Ke phetho seo ke neng ke batlile ho se tseba. Ha re mmatle. Ha re batle bohlanya boo hara batho ba rona.”

²⁵⁵ Mme tsatsi le leng, mohla motswalle wa ka ya lokileng, Ed Daulton, a ne a fumana lengolo le tswang kerekeng ya Baptist. O ile a re, “Re o kgaola selekaneng sa Baptise, hoba o ikopantse le bohlanya ba ho kolobetswa ka Lebitso la Jesu.”

²⁵⁶ Ke rata ho ema le Pauluse, “Seo lefatshe le reng ke bohlanya, ke kamoo ke rapelang Modimo, hoba ke Lentswe la Hae.” E, monghadi. Yeah. Oh, ehile.

²⁵⁷ Ngaka e ye e hlahlobe bothata. O bona moo bo leng teng. Moporofeta wa nnete o hlahloba bothata, ka Lentswe. Yena

eng? Ngaka e hlahloba bothata ba yona, ka matshwao. Na ho jwalo? [Phutheho e re, “Amen.”—Mong.] O sheba matshwao mme o bona se phoso ka mokudi. O bona kamoo le jeleng setsi kateng, mme a re, “Ha ho letho le ka etswang.”

²⁵⁸ Le moporofeta wa nnete o nka Lentswe la Modimo mme a hlahlobe mathata, a lahlele Moriana ka hara Lona. Mme ba batho ba boela ba O hafela sefahlehong sa hae. Ho tla etsahalang? Ho timela, ke phetho; mphi e hlanyetsang menyaka, e takilweng metsero ya lefatshe e bitswang boikaketsi! Empa ke tsela ya moporofeta wa nnete eo. Le a bona? Oh, kgidi!

²⁵⁹ O bona malwetse. O bone hoba ba tlohile Lentsweng. O bone Lentswe. Mme o tsebile sephetho se tla latela. O bone boiketlo boo ba ne ba phela ho bona, ho bona kamoo basadi ba neng ba itshwere kateng. A bona kamoo baprista bao ba neng ba sebetsa kateng, kamoo ba ritsitseng borapeding ba nnete ba Modimo, le dintho tse kang tseo. Mono, keha a fumane—keha a fumane karabo. A re, “Modimo eo le ipolelang le mo sebeletsa o tla le timeletsa.”

“Hobaneng?”

²⁶⁰ “Ha le a ka la boloka Melao ya Ka.” Mme leha ho le jwalo ba hopola a ne a e entse. Na hase nna ya sa tswa e bala mona? Temana ya 2, ya 4, . . . Kgaolo ya 2, temana ya 4, “Ka hoba Ke le kgethile ho ba . . . Ke le kgethile, hara ditjhaba tsohle tsa lefatshe, leha ho le jwalo le hana ho tsamaya Melaong ya Ka.” Le nahana . . .

²⁶¹ Mothwana, moporofeta eo ya lefatla ya emeng mono ka tedu e putswa eo e hadimang ka hara mahlo a hae, a tuka mollo, a bua le mphi eo ya baprista le dintho, le ho re, “Modimo eo lona baikaketsi le iketsang mokana le mo sebeletsa, ke yena Modimo ya tla le timetsa.” Le nahana hore o ne a tla fuwa tshebedisano-mmoho? Huh! O itse . . . Oh, kgidi! Yena, mo lekeng kajeno mme le bone hore o ne a ka kgona na. Tjhe. Empa yena eng? Ke tsela ya moporofeta wa nnete eo. O ne a tshwere Lentswe. A tseba seo Le neng le le sona.

Jwaleka Mikea wa boholoholo . . .

²⁶² Leshea leo ke le hlohonolofaditseng, ke fetile a mang, metsotsong e mmalwa e fetileng, hoba ke potlakela nako.

²⁶³ Empa, Mikea, mohla a ememg pel'a Akabe, a ba sheba. A tseba Lentswe. Mikea a ba bolella Lentswe. Hobaneng? Mikea o ahlotse pono ya hae, Thuto ya hae, ka Lentswe la Modimo. Mme a bona hobane Thuto ya hae le Lentswe e ne e le ntho e le nngwe. Hobane, Lentswe le itse O tla rohaka Akabe, mme O tla etsa hore dintja di nyeke madi a hae. Ke seo Lentswe le se buileng.

²⁶⁴ Ka baka leo, Mikea a bona pono. Eo, e ne e le moporofeta. “Ho bona Lentswe le tla tla ho nna.” Mme a rapela, “Oho

Morena Modimo, ke tshwanela ho etsang? Ke tshwanela ho reng ho seholpha sena sa bareri ba emeng mona? Mekgatlo eo yohle ke ena. E mong le e mong naheng oeme kgahlano le nna, Morena. Ke nna enwa ke eme pel'a morena. Ke tshwanela ho reng?"

²⁶⁵ Mme a bona pono. Ho re, "Nyolohang! Le tsamaye." Ho re, "Empa ke bone Israele e qhalane eka dinku tse se nang modisa." Yeah.

²⁶⁶ Eo—eo mookamedi eo wa lebatowa a atamela mme a mo phobola molomo, le ho re, "Lentswe la Modimo, Moya wa Modimo, o ile kae, ha O no o tswa ho nna?" O tswa ho yena?

²⁶⁷ Le tseba seo Modimo a se buileng? A dumella letemona ho theoha, ho kena hara bona, hoba ba ne ba kgelohile Lentswe, le ho qaleng.

²⁶⁸ Bibebe e itse, "Ekare ha ba sa dumele Lentswe, O tla ba romella thetso e matla, hore ba dumele leshano, mme ba tsuwe ke lona." Ke hantle feela seo mekgatlo ena le batho ba setjhaba sena ba se etsang kajeno, ho dumela leshano, leo ba tla tsuwa ka lona. "Hoba ha ho Lebitso le leng tlaza Lehodimo le tshwanelang ho bolokeha ke lona." Tsepamang, mekgatlo, le ba jwalo. E.

²⁶⁹ Jwale, ba bang bana ba dumetse eng? Baporofeta baa ba bang ba ile ba sheba eng? E ne e le baporofeta. E, monghadi. E ne e le baporofeta. Empa hola ba ema mme ba hlahloba boporofeta ba bona ka Lentswe!

²⁷⁰ Hola Mamethodise a ema kajeno mme ba hlahloba seporofeto sa bona, ba ne ba sa tl'o hlola bafafatsa motho e mong. Ba ne ba tla amohela Moya o Halalelang. Ba ne ba tla kolobetsa e mong le e mong ka ho qwedisa, ka Lebitso la Jesu Kreste. Hola Assemblies of God e ka ema kajeno mme ya sheba seporofeto sa bona, ba ne ba tla kgutlela Lentsweng. Hola Oneness, kajeno, e ka ema mme ya hlahloba seporofeto sa bona, ba ne ba tla kgutlela Lentsweng.

²⁷¹ Empa, le a bona, hola baporofeta bao ba ema mme ba hlahloba seporofeto sa bona! Ba ile ba bea mabaka. Ba re, "Ke ya rona. Ka baka leo re tla nyolohela Ramothe Gileade mme re tla e hapa, hoba ke ya rona. Joshua o re file yona."

Empa Mikea a re, "Mabaka a yona a utlwahala."

²⁷² Empa ke seo e leng sona. Ha o batle ho bea mabaka. O batla ho dumela seo Modimo a se buileng. O se ke wa bea lebaka ka letho.

²⁷³ Hola Abraham a bea mabaka teng? O ne a ka tlaha naheng ya ha'bo jwang? O ne a ka ba lekgolo la dilemo jwang, a ntse a boka Modimo, mme ba tla fumana lesea ka Sara, mme yena a le mashome a robong?

Ho lahlela mabaka kathoko. O mpa o dumela feela.

²⁷⁴ U dumella Diabolosi hore ho wena, “O a tseba, Moena Branham hase letho ke moikaketsi feela.”

²⁷⁵ “Jwale, ke a ema jwale, ere ke bone ha eba e le yena. Ha re boneng na o ruta hantle. Ere ke kgutlele Bibeleng.” O se ke, o se ke wa tloha . . . A ke ke a o dumella ho etsa seo. Tjhe, tjhe. Le a bona?

²⁷⁶ Empa o tla bua bobe bo itseng ka nna, etswe mohlomong o na le tokelo e jwalo, ebe ha o kgaoitse ho amohela ntho eo, ho ema le ho qala o bea mabaka, “Yeah. O ne a sa lokela ho etsa *sena*. O ne a sa lokela ho etsa *sane*.” O qale o ntjhebe, be, u fumana tse ngata.

²⁷⁷ Mme o mohlomong o no o tla tsamaya o sheba Morena Jesu. O ka fumana tse ngata. Mo shebe, motsotso feela. Ke tlil’o etsa e mong le e mong wa lona moreri. Jwale re tla lebala ka hore O kile a fihla lefatsheng. Moshanyana ke enwa ya pakilweng, ke setjhaba kaofela, hore Ke e—e ngwana ya tswaletsweng bonyatsing. Mme wa Hae o mo fumane pele yena le ntate wa Hae ba tjhata. E pakilwe. (Jwale, ha ba ye Lentsweng, “Morwetsana o tla emola.”) Ba mpa ba tsamaya ka seo ba se utlwang, le a bona, “Ngwana bonyatsi.” Na ha ba Mmolella, “O tswaletswe sebeng, mme o leka ho ba ruta”? Ke a . . . Le a bona?

²⁷⁸ Mme le shebe seo A neng a se etsa. Hantle-ntle O ne a heletsa kereke e nngwe le e nngwe e neng e fumanwa naheng. Na ho ne ho le jwalo? [Phutheho e re, “Amen.”—Mong.] Mekgatlo, ntho e nngwe le e nngwe e sele.

²⁷⁹ Yena e ne e eng? “Moshanyana ya hotseng bohlofa feela a itsamaela hohle jwalo, Mothaka e motjha, e se setho sa borapedi bo hlophisisitsweng. Mpolelle kereke ya Hao. Ntate wa Hao ke mang? O re Josefa hase ntate wa Hao?”

“Josefa hase ntate wa Ka,” O ne a tla rialo.

“Be, Ntate wa Hao ke mang?”

“Modimo ke Ntate wa Ka.”

²⁸⁰ “Be, lehlanya Towe! Ke seo O leng sona hantle. Wena, O le Motho, mme O re Modimo ke Ntate wa Hao?”

²⁸¹ Hola ba e hlahloba ka Lentswe! Alleluia. Ha le bone hore ke’ng na? Lentswe le ne le tla etswa nama. Ha ba ka ba hlahloba pono ya bona ka Lentswe. Ke yona.

²⁸² Ke bona bothata kajeno. Ha le hlahlobe dipono tsa lona ka . . . lona—lona boporofeta ba lona le thuto ya lona, ka Lentswe la Modimo. Ha motho a leka ho le bolella Nnete, ebe le intsha ho bona, jwalo feela ka ha Amose a ka etsa, Amose a entse. Le lona le etsa yona ntho eo.

²⁸³ Jwale shebang mona. O dutse maemong ana. Jwale, le ka be le mo ahlotsé, mohlomong, ke hantle, hola la se ke la kgutlela Lentsweng. Ba etsa ntho e tshwanang. Kajeno ba Mo ahlola.

²⁸⁴ Hola lona basadi, *mona* le *mona*, yeah, hobaneng le sa hlahlöbe mohopolo wa lona wa moriri o ponngweng ka Lentswe, mme le shebe seo Le se buang? Le a bona? Hobaneng le sa etse dintho tseo?

²⁸⁵ Hobaneng le sa hlahlöbe kolobetso ya lona, ya “Ntate, Mora, Moya o Halalelang,” “botrintase” boo ba leshano, bo bitswa jwalo, athe hase letho ke diofisi tse tharo tsa Modimo o le mong, mabitso a tlotsiso? Ha ho ntho e kang *lebitso* la “Ntate.” Ha ho ntho e kang *lebitso*, “Ntate, Mora, le Moya o Halalelang.”

²⁸⁶ Lebitso la Ntate, Mora, le Moya o Halalelang, e leng “Morena Jesu Kreste.” Hlahlobang kolobetso ya lona kamoo motho ka mong ka Bibeleng a kolobeditsweng kateng. Hola la hlahlöba monahano wa lona ka Lentswe, le—le ne le tla kgutla mme le kolobetswe ka Lebitso la “Morena Jesu Kriste.”

²⁸⁷ Ke seo Pauluse a ba laetseng ho se etsa. Mme a re, “Ekare ha motho a ka ruta ntho e ho sele, a ke a—a ke a rohakwe, leha Lengeloj le ka theoha.”

²⁸⁸ Le a tseba, hangata, Mangeloi a theoha. Moshaana, kamoo Pentekosta e jang ntho eo bokwiditana!

²⁸⁹ Hola Mohalaledi Martin a ema mono, mme ke mona ho ema sebopuwa se seholo se kgatshimang ka pel’ a hae?

²⁹⁰ Monna ya neng a kolobetsa ka Lebitso la Jesu, ya neng a dumela ho Moya o Halalelang, a bile a bolokile Lentswe! Mme Maroma a mo rahela ka ntile, mme a mo etsa ntho e nngwe le e nngwe, ho leka ho mo fa ditshomo tsa bona le dithuto tse entsweng ke motho. Monna eo a ema Lentsweng.

²⁹¹ Tsatsi le leng, toren ya hae, matemonia a ile a mo etela mme a leka ho bua le yena. A sa batle ho a nkela hlohang.

²⁹² Tsatsi le leng, Satane a tla mokgwa oo, eka Kreste, a rwetse moqhaka, a rwetse diphasha-phasha tsa gauta, a ema mona mme a re, “Ha o . . .” Malakabe a mollo a mo teetse hare. Ho re, “Ha o Ntemohe na, Martin? Ke Morena wa hao. Nkgumamele.”

Martin a mo sheba. “Phoso e teng mono.”

²⁹³ A re, “Martin, ha o kgone ho Ntemohe na?” Ho re, “Ke Morena le Mopholosi wa hao.” Ho re, “Nkgumamele.” Mme a rialo makgetlo a mararo.

²⁹⁴ Mme Martin a qamaka. A bona, Kreste o tla rwesa moqhaka ke batho ba Hae, ho Kgutleng. O tla be a sa rwala diphasha-phasha tsa gauta. A re, “Tloha ho nna, Satane.”

Moshaana, na Mapentekosta a ne a sa tl'o e metsa bokwiditana? “Moshaana, Lengeloi le benyang le kgatshimang.”

²⁹⁵ Mosadi eo o ne a theohe, Chicago moo ke yang teng, ho re, “Moena Branham, bareri bao hodimo mola ba itse hola o laetswe ke Lengeloi la Morena ho kolobetsa ka Lebitso la Jesu, ba ne ba tla e amohela. Empa na ke mohopolo wa hao oo?”

²⁹⁶ Ka re, “Ha Lengeloi la Morena le buile letho le kgahlano le Seo, e tla be e se Lengeloi la Morena.” Le a bona?

²⁹⁷ Ha Lengeloi le bua ntho e kgahlano le Lentswe *lena*, e be leshano. Mme ha motho a re ho wena, morongwa ya tswang ho Modimo, a re o tswa ho Modimo, mme a re ho wena, “Ho itoketse ho kolobetswa, ka lebitso la ‘Ntate, Mora, le Moya o Halalelang,’” e ke e be ya leshano ho wena.

²⁹⁸ Ha monna a re ho wena, “Ho itoketse ho wena, ho poma moriri, le dintho tse kang tseo; hore o lokela ho rwala katiba ka kerekeng, bonete, ‘e le lesira,’” e ke e be ya leshano ho wena.

²⁹⁹ Lentswe la Modimo, ke Nnete. Efe feela ya dintho tsena tse kgahlano le Lentswe, e be leshano. Ke Lentswe, leo e leng Nnete. Le tla tiya.

³⁰⁰ Ke ka baka leo Mikea a tsebileng hobane boporofeta ba hae bo tswa ho Modimo, hoba o ne a tsamaya le Lentswe la Modimo. E, monghadi. Pono ya hae ya tshehetsana hantle e tshwana le Lentswe la Modimo.

³⁰¹ Oh, hola Amose a le teng mona, o ne a tla ema le Lentswe. Ke hantle. Empa, le a bona, bothata kajeno, ka rona, bo tshwana le ba bona. Ke itokisetsa ho qeta. Bothata ba rona bo tshwana le ba bona mohlang oo. Ba ne ba rutilwe, hole le Motheo. Jesu o itse, “Le entse Lentswe la Modimo ntho e se nang matla ka meetlo ya lona.” Mme kolobetso eo ya bohata! Pontsho eo ya leshano ya ho amohela Moya o Halalelang! Ba bang ba bona ba re, “Tsukutla letsoho.” Bang ba bona ba itse, “Bua ka dipuo.” Ke utlwise matemona a bua ka dipuo, mme a tsukutla matsoho, le wona. E, monghadi. Hase pontsho ya Wona. Jwale, dintho tsena tsohle tse jwalo, dintho tseo tsohle, le a bona, le kgeloha Lentswe la Modimo ho ruta dineeletsano tseo. Ke hantle.

Jwale, o ne a tla, o ne a tla lokela ho le kgutlisetsa Lentsweng.

³⁰² Empa re fumana, baruti ba rona kajeno, ba rutile batho, hole ho kgeloha Motheo wa Lentswe la Modimo. Jwale mamelang ka hloko.

³⁰³ Ke seo ba neng ba se entse mono. Ke seo Amose a neng a ba bolella sona. “Modimo eo le ipoledisang le mo tseba, ke Yena Ya tla le falatsa.”

³⁰⁴ Jwale, re ba rutile, ho ba kgelosa (eng?) Motheo wa “Tumelo e neilweng bontate ba pentekosta ka nako e le nngwe,” yeah, Bibele. Ho rutilwe pelekatori ya bohata! Ho rutilwe kolobetso ya bohata! Ntho e nngwe le e nngwe, ke bohata, bohata, bohata, ho ikarola le ntho ya Mantlha.

³⁰⁵ Ha le e dumele na? Kgutlelang Bibeleng, mme le nke “pelekatori” ya lona, le nke “Ntate wa lona, Mora, Moya o Halalelang,” le ho “fafatsa,” le ntho eo yohle, le nto kgutla mme le shebe ha eba e le Mangolong na. Ke yona tsela. Fumanang hore e Motheong na. Le a bona? Di fapohile Motheo.

³⁰⁶ Etswe, Pauluse a itsalo, Bibele. Bibele e rialo hore, e—e...hore, “Kereke ya Modimo e theilwe hodima Thuto ya baapostola le baporofeta.” Baporofeta le baapostola ba tlamehile ho tshwana. Ehlide bo.

³⁰⁷ Eng? Re kgelohile Motheo oo wa Lentswe, re fetetse metheong ya diphutheho tsa borapedi.

³⁰⁸ Mamelang jwale. Ke a kwala. Rwalang dithusakutlo tsa lona tsa moya. Mamelang.

³⁰⁹ Re kgelohile Motheo wa Lentswe, le hodima motheo wa phutheho ya bodumedi. Nka qeta dihora tse kae tabeng eo? Dihora tse ding tse tharo. Hole le Motheo wa Lentswe, ho fetela motheong wa menyaka ya lefatshe, selefatshe, bobodu bo hohobela ka hara kereke. Hole le Lentswe, ho fetela ditumelwaneng. Ho ka nqosa diveke tse tharo ho rera halofo, ya yona, ditlhahiso tse nne tseo hantle mono. Ho kgeloha Lentswe, ho fetela phuthehong ya bodumedi, phutheho ya bodumedi ya Lentswe. Hang feela ha yona—yona kereke e hlophisa borapedi, e fapohohile Lentswe hona moo.

³¹⁰ Ntho e nngwe feela. Ho kgutlela hantle moo e kgelohileng teng, le ho tsamaya hape. Ho kgutlela Lentsweng. Hantle. Ho *baka* ho bolela ho “ya, kgutla, sokolla sefahleho.” O ntse o nkile tsela e fosahetseng. Ke hantle.

³¹¹ Phutheho ya bodumedi ya monyaka. Phutheho ya bodumedi ya lef—...E—e motheo, ke rialo, wa—wa monyaka, motheo wa lefatshe, motheo wa ditumelwana. Le tseo tsohle, mmoho, di qhotsitse boitshwaro bo bodileng, bobodu ba moya.

³¹² Ka ho ba moporofeta, o ne a tla bona ka ho rona seo a se boneng ka ho bona. Hola a eme kalaneng ena kajeno, mme ke ne ke tla re, “Moena Amose, moporofeta e moholo wa Modimo, wena ya sa tshabeng, tloo kwano mme o nkeme sebaka,” o ne a tla rera Lentswe lena. O ne a tla lokela jwalo. Ke moporofeta. Ho lokile. O ne a tla Le rera kamoo Le ngotsweng hantle, hantle seo re se buang hona jwale. Ho lokile. O ne a tla bona he seo a se boneng ka ho rona, boitshwaro bo pherehlaneng.

³¹³ Shebang feela, metswalle. Ke ba bakae mona, ka kerekeng ena mona, ba bonang hoba lefatshe le kene boitshwarong bo

bodileng? [Phutheho e re, “Amen.”—Mong.] Kgele, re a le tseba le jwalo. Molato ke ofe? Le kgelohile Lentswe. Hantle. Ho lokile.

³¹⁴ Amose ha a ka a qosa mmuso. Na le mo hlokometse mona, ha o e bala ha o fihla hae? Ha a ka a qosa mmuso, o qositse kereke ka ho kgetha mmuso o jwalo. Hum!

³¹⁵ Lona boradipolotiki, e re ke e dumelle ho le silakanya ka hare nakwana, mona le ho phatlalla le lefatshe, moo e tla ya teng. Kereke e kgethile ntho e kang Jeroboame. Ke a ipotsa na lona, rona, ha re a etsa ntho e batlang e tshwana? Ha re re ke mmuso o motle; mmuso o ke ke wa haha ntlo hodima lefika ha batho ba kgetha ntlo e hodima lehlabathe. Na o ka kgona? Le se ke la re, “Mmuso wa rona! Mmuso wa rona!” Ke lona, setjhaba. Ke batho. Re ka kgona jwang . . .

³¹⁶ Moreri o ne a re ho nna, ho re, “Moena Branham,” ho re, “sheba. Ke a tseba o bua nnete Mono. Empa,” ho re, “ha nka rera ntho Eo, phutheho ya ka ya borapedi e ka nkgarameletsatle, batho ba heso ba tla ntebela kerekeng.” Ho re, “Ha ke sa tla hlola ke rera therero e nngwe hape.”

Ka re, “E rere, leha ho le jwalo.” E, monghadi.

³¹⁷ Ke Lentswe la Modimo. O jere boikarabelo. Ha o le moporofea wa Modimo, wa nnete, o tla ema le Lentswe. Ha ha ho se jwalo, o tla ema le phutheho ya hao ya bodumedi. Ho itshetlile hodima moo o tswang teng.

³¹⁸ Shebang. Tjhe, monghadi. Re ke ke ra haha, mmuso o ke ke wa haha ntlo hodima Lefika le tiileng ha batho ba voutela ntlo ya menyaka hodima mahlabathe a tebang.

³¹⁹ Shebang seo re se batlang. Ha re nkeng motsotso feela jwale. Ke a tshepa ha ke le kgathatse. [Phutheho e re, “Tjhe.”—Mong.] Empa ha re shebang seo re se batlang, motsotso feela. Nke ke ka tlola tlhahiso ena, ntlha ena. Shebang seo re se batlang.

³²⁰ Shebang thelebishene ya rona. Ke seo re se batlang. Re batla borametae bana ba emang mme ba etse meswaso yohle e ditshila, mme re dula hae re sa ye tshebeletsong ya thapelo Laboraro bosiu, kapa moreri a le nntshe pele ho nako le tle le ye ho e sheba; ntho ya kgale e ditshila, e manyala, e nyetsweng hane kapa ha hlano, seotswa, se hladiyang meswaso e ditshila, a apere ka ho tjatjhehis a mmele, mme a itshwere sek a eng. Mme le rata hoo ho feta kamoo le ratang ntlo ya Modimo, e bontsha mofuta wa moyo o ka ho lona.

³²¹ Re a a dumella. Rona, batho, hola batho ba setjhaba sena ba ka ngolla mmuso wa rona mangolo, ha re re mangolo a milione tse lekgolo a fofela ka hara mmuso oo, “Hlakolang

mananeo ao a ditshila ao,” ba tla lokela ho e etsa. Ke rona batho. Empa rona, batho, re batla ditshila, ka baka leo ke seo re se fumanang.

³²² Shebang mananeo a rona a seyalemoya. Oh, kgidi! *Lefika La Mengwaha* le fetoletswe morethethong wa twisti. Uh-huh. *Sefapano Sa Kgale Se Makukuno* morethethong wa swing, rokon-rolo ka yona. *Sefapano Sa Kgale Se Makukuno*, yeah, ehlide, diyalemoyeng tsa rona, thelebishene. Ntho tsohle tse... Ho ile ha nkwa mona, nakwana e fetileng, dihupusi tseo, bananyana bao. Ntho e nngwe le e nngwe ke mekgwa e ditshila kamoo ba ka kgonang, ke sona seo re se ratang.

³²³ E tshehetswa ka'ng? Biri, wiski, disakrete, tjhelete ya setjhaba. Ba etsang? Ho nka tjhelete ya bona ya lekgetho, e lokelang ho ya mmusong e le lekgetho, mme ba lefella mananeo a ditshila ao ba a hlahisang a thelebishe.

³²⁴ Mapentekosta a ne a sa tamaye dipontsho tse ditshila tseo, tse manyala ha ba ne ba di bapala tse jwalo. Diabolosi o le qhautse, mme o kentse thelebishene ka tlung ya hao.

³²⁵ Tsela ya moporofeta wa nnete e thata haholo, empa ha re emeng le Nnete. E, monghadi.

³²⁶ Shebang mattlapa a rona a ditaba. Basadi ba emeng, ka disakrete letsohong la bona, Jezebele-nyana e mong le e mong naheng. Ke ne ke ile...

³²⁷ Tsatsi le leng, ke bone ntho e makatsang. Mosadi e mong o ne a ile sekolong mono, ho lata bana, ke ne ke il'o ba lata, o ne a sa apara para ya dishoto; homme, e le, maemo a lehodimo a hwamme. E mong le e mong wa bona a tshwere sakrete. Hang feela ha ba fihla mono mme ba ema, keha ba sa tshwara sakrete, ba ne ba se hotetsa ka potlako, “Whew! O bona kamoo ke e etsang kateng?” Ba ntshetsa letsoho leo lemating, *tjena*, ka sakrete letsohong la hae. Mme ha o bua letho malebana le hoo, oh, ba a phatloha. Ehlide.

³²⁸ Ak'o bue letho ho ricky kapa elvis, kapa e mong wa bona ntle mono, ba tla o thunya. Mme mmuso o tla ba tshehetsa, hoba esale bana feela. “Oh, ho itoketse. Bona, ba ne ba sa utlwisise. Ke bana. E tlodiseng mahlo hodimo.”

Jwale na le bona seo moporofeta wa nnete a se bolelang, tsela ya hae?

³²⁹ Shebang baphofi bana ba ditshila ka hara dikereke, ka phutheho ya bona ya borapedi, ba ka o thunya ka mokokotlong. Ntho feela e ba thibelang ho e etsa, ke mohau wa Modimo, ho fihlela Molaetsa o tswile. Diabolosi a ka o bolaya, hola a kgona ho e etsa. Hantle. Empa Molaetsa o tlameha ho tsamaya. “Ke Nna Morena ya tla kgutlisetsa.” Ke hantle. “Nka e tsosa le ka majwe ana.” Ke hantle. Ho lokile.

³³⁰ Dipontsho tsa rona tsa ditshwantsho, matlapa a rona a ditaba, baetsadibe ba rona bora-menya ka ba ipitsang Bakreste. Batho ba ipitsang Bakreste; bora-menate, batsoma- ditakatso. Basadi, ba apereng hampe; banna ba ba tademang, ho ba letsetsa molodi, ba ipitsang Bakreste, ho tswa. Kgele, ba bile ba na le—ba bile ba na le . . .

³³¹ Ke ntho e kgolo Florida, California, ba na le di-club tsa ditonana jwale. Banna bohle ba kopana mme ba lahlela dinotlolo tsa bona ka hare, mme basadi ba kena mme ba ntsha senotlolo se seng mono. Mme mang feela ya se tshwereng, o nka mosadi wa hae o mo isa hae. Ba phela veke, ba nto kgutla, ba lahlele senotlolo, dinotlolo hape. Le a bona? Ke di-club. Bana ba tswaletsweng bonyatsing le ntho e nngwe le e nngwe e sele, kolobe e ja kolobe, ntja e ja ntja e nngwe. Molato ke eng? Ke kahobane ba hlobohile Lentswe.

³³² Ha ba tsebe seo botsitshwaro bo se bolelang. Ka ntle ka mona, ka mosana o mo kgamotseng, le dintho tse kang tseo, mme banna ba ba lakatsa, mme ba nahana hore ke boitshwaro. Mohlomong ha o eso etse letho le phoso, kgaitsemi, empa e re ke o bolelle taba, o sesebediswa sa Diabolosi. Mme Setulong sa Kahlolo, HO RIALO MORENA, o tla arabela bofabe, mme ho tla fela ka moywa hao. O tseba hantle. O a e tseba jwale, le hona. Hantle.

³³³ Morero wohle wa rona o bodile mme o putile. Ke batho ba rona, seo ba se batlang. Jwaleka monna ya molemo wa lelapa, be, hola monna e le monna wa lelapa ya molemo, ho qosa mmuso wa lona . . . Ke yona ntho e ntshetsang bashanyana ba rona ka ntle mona mme e ba fetola kgapane ya kanono, hantle, ka baka la bobodu ba rona. Hola re rata Morena mme re sebeletsa Morena, mme re votvetse mmuso wa mofuta o lokileng le ntho e nngwe le e nngwe e sele, e ne e tla ba tulo e ntle. Ke hantle. Re ne re sa tl'o ba le dintwa. Tjhe. Modimo ke setshabelo sa rona le matla. Ho ntsha bashanyana ba rona le ho ba bolaya, le ho ba fenetha, le ntho e nngwe le e nngwe, sesosa ke boitshwaro ba rona. Modimo o itsalo, ka Bibeleng, mme ha A fetoh. O a tshwana. Ke takatso ya batho ba lona.

³³⁴ Jwaleka monna ya molemo wa lelapa, ha eba e le monna ya molemo teng? O batla ho etsa ho lokileng. O batla ho phelela Modimo. Mme o na le monyaka, le lelapa le ratang mekgwa e manyala. Monna o tla etsang, ha mosadi wa hae a batla ho apara dishoto, le ho apara diaparo tse tjhatjhehisang mmele, le ho tswela ntle mme a itshwara sekä Jesebele, baradi ba hae le bana ba hae bohle, le bona kaofela? Ntate wa hae . . . Moshanyana wa hae eo a mo hodisitseng, mme a mo rata, le ho mo phathatsa le ho mo aka, mme a mo robatsa moalong, mme a mo rapella, ho ema, ho re, “Monnamoholo weso o a hlanya. Sohle seo a se nahanaang ke Bibebe.” Monna eo a ka etsang ka lelapa la hae?

³³⁵ Ho jwalo le mmusong wa rona, ka batho ba wona mona. Le se ke la bea mmuso molato. Le mpe le qose mphi ena ya dikereke tse putlameng, ka ho bea dintho tseo dipolotiking tsa bona, tse kang tseo ba nang le tsona. Ba e batla. Ke ka hona ba e voutelang, mme ke ka baka leo ba nang le wona. Mme ke ka hona kahlolo ya Modimo e leng hodima bona. Mme ba tla kotula seo ba se jetseng. Ba ntse ba jala hona jwale, mme ba tla kotula hamorao. Elang hloko. Oh! Re kgahlotswe ke bohlanya. Oh, yeah.

³³⁶ Ho leka ho lefella tsela ya rona e kenang Rashiya. Ho leka ho lefella tsela ya rona ka bokomonisi. Ho leka jwalo. Kgele, tjhelete, le ke ke la reka dineo tsena tsa Modimo. Ho kile ha hlaha thaka le leng, Simone, ya lekileng ho e etsa tsatsi le leng, mme Petrose a re, “Tjhelete ya hao e ke e timele le wena.” Re ntse re bapala kabelo ya Simone senohe, ho leka ho reka neo ya Modimo.

³³⁷ Kgutlelang Lentsweng. Kgutlelang ho Modimo. Kgutlelang ho Kreste. Le se hlore le touta ka bokomonisi he. Re tla voutela monna ya nepahetseng. Re tla fumana Abraham Lincoln e mong, George Washington, motho eo e neng e le monna wa makgonthe. Le se ke la qosa mmuso oo hodimo mono. Ha re ipeheng molato. Ke seo Amose a neng a tla se bua. Mme ke seo mporofeta ofe feels wa nnete wa Modimo a ne a tla se bua, ha eba a tseba Lentswe la Modimo. Ha e le mporofeta wa nnete, o—o tseba Lentswe, hoba Le tla ho yena.

³³⁸ Iseraele, setlamong sa yona le—le sera sa maiketsetso. Pele, ba ne ba loketse ho tlohela Lentswe la Modimo, pele ba ka tlabolale selekane le sera sa bona.

³³⁹ Mme le pele re ka hlaba selekane le dira tsa rona le dintho, re tlamehile ho sutha Lentsweng la Modimo. Uh-huh. Ho a tshwana jwale, ho dumella Roma ho hapa kgapo. Be, re a e etsa, ka dinako tsohle. E hapakile mmuso. E hapa dibaka. E hapile batho. Jwale e ntse e hapa dikereke.

³⁴⁰ Re etsang? Ho dula re thotse, re dumellana le bona. “Oh, ha ho phapang ya letho hore ho *tjena* kapa ho ka mokgwa *wane*. E sa ntse e le Modimo, leha ho le jwalo.” Bathwana ting, ba soro, lona ba reilweng baporofeta. Molato keng ka lona? Ha ba tsebe Lentswe le mabapi le Modimo ka dintho tsena. Ha ba lekodisise Lentswe. Ha ba elellwe. Ba re bokomonisi ke bona bo tli’o hapa lefatshe. Tjhe, ha e jwalo.

³⁴¹ Boroma bo tli’o hapa lefatshe, mme bo e etsa tlasa lebitso la Bokreste. Na hase Bibele, Jesu ya itseng, “E tla bapa, hoo e ka thetsang le yena Mokgethwa, hola ke ntho e ka etswang”?

³⁴² Seo re se hlokang kajeno. E reng ke phethele, ka ho bua sena. Jwale ke tla kwala. Seo re se hlokang kajeno ke mporofeta e mong wa nnete. Amen. Re hloka monna eo Lentswe la Modimo le tlang ho yena. E, moena. O tla nyatsuwa

mme a lelekwe, mme a tebelwe, empa ruri o tla phunya lesoba. Yena, o ne a ka kgona. Yeah. Ruri o ne a tla jala Dipeo tse jwalo ho fihlela Bakgethwa ba E fumane. Uh-huh. Ke hantle. Re hloka moporofeta. Re hloka monna eo kwahollo ya nnete ya Lentswe e tlang ho yena, eo Modimo a buang ka yena le ho netefatsa Lentswe, ho Le etsa nnete. Ke seo re se hlokang. Mme, moena, re tshepisitswe e mong, ho latela Malakia 4, "Ho kgutlisetsa." Eng? "Tumelo ya batho, ho kgutlela Bibeleng." Re tshepisitswe e mong. O tla e etsa.

³⁴³ Amose o tsebile. E, monghadi. Amose o tsebile, Iseraele, hore barati ba yona ba hlokang borapedi ba tla e timetsa kapele.

³⁴⁴ Mme barati ba yona ba kajeno ba hlokang borapedi ba tla e timetsa kapele, tsona ditumelwana tsa phutheho ya borapedi le dintho tseo ba itshwasitseng ho tsona. Lona Mapentekosta, ke yona ntho e tla le timetsa, tumelwana ya lona le phutheho ya bodumedi. Le ntse le ipofella hantle hodimo mono, ho nka letshwao la sebata, mme ha le tsebe, ho sira mahlo a lona hantle. Ehlide. Ke kganyetso. Le leka ho etsang? "O setho sa *sena*, kapa ha o setho." Le a bona? Be butleng feela, nakwana feela, e reng e tswelepele nakwana. Ebe, o re, "Ke tla tswa ho yona." Tjhe, o ke ke wa kgona. O se o le ka hara lona. O se o tshwauwe. O kgaoleditswe ke letshwao hodima hao.

³⁴⁵ Ho sa tsottelehe, Esau o ile a lla habohloko, athe o ne a tseba hantle. Empa o llile habohloko, a leka ho fumana sebaka sa ho baka, mme a sitwa ho se fumana. O tla dula mono he. Jwale ke nako ya ho baleha.

³⁴⁶ Amose o tsebile hobane barati ba bona ba hlokang borapedi ba tla e timetsa, hoba bao, kereke, e ne e Mo hlobohile, Modimo le Lentswe la Wona, tsela ya Bophelo. Ba ne ba hlobohile tsela ya Modimo ya Bophelo, mme ba iketsetsa ya bona. Oh, Lentswe e ne e le kutu e kgopang ho bona.

³⁴⁷ Mme Le a tshwana le kajeno. Lentswe la Modimo ke kutu e kgopang ho ba ipitsang Bakreste. Mmolelle ka kolobetsa ya metsi ka Lebitso la Jesu Kreste. Mmolelle ka Modimo o halalelang. O tla etsa . . .

Mme, be, ba re, "Be, re fumane Moya o Halalelang."

³⁴⁸ Ebe hobaneng le ntse le poma moriri wa lona? Hobaneng le sa ntse le kolobetsa ka lebitso la "Ntate, Mora, Moya O Halalelang"? Hobaneng le sa ntse le dumela dinthong tse ding tsena tseo le di dumelang, le ho itshwara kamoo le etsang kateng? Ho a bontsha. Ditholwana tsa lona di a e paka. Jesu o itse, "Ka ditholwana tsa bona, le tla ba tseba." Yeah. Le a bona? Hoo ho bontsha feela, le bua ka ntho eo le sa tsebeng letho ka yona. E, monghadi. E.

³⁴⁹ Hola Amose a ne a le teng mona, o ne a tla kgaruma kgahlano le ditsamaiso tsa bona. Na le tseba taba eo?

³⁵⁰ Jwale ke tlil'o bala temana e le nngwe pele ke kwala, temana ya 8 ya kgaolo ya 3. Mme ha re baleng.

Tau ya rora, ya sa tl'o tshoha ke mang? Morena . . . wa bua, ya sa tl'o porofeta ke mang?

³⁵¹ Mamelang. Ho kwaleng jwale, ke batla ho bolela taba ena. Ke maswabi ha ke le tshwareletse, halofo ya hora ho feta. Empa, shebang. Ke batla ho bolela taba ena. Ke setsumi. Ke a tsoma. Ke thabetse ha Modimo a nkabetse ntho e jwalo.

³⁵² Tsatsi le leng mohla sethunya se ne se phatloha, ke ile ka kgutla hantle, ho bona ha eba nka kgona ho thunya hape. Ha ke batle ha e ka ntshosa. Ha nka hlachelwa ke kotsi, ka ntle tseleng, ke ne ke sa tl'o tlohela ho kganna koloi. Ha ke tsamaya fulurung mme monwana wa ka o kgoptjwa kapeiting, mme ke betseha ka fesetere, ke ne ke sa tl'o tlohela ho tsamaya. Le a bona? Tjhe, tjhe. Modimo o mphetisitse kwetlisong e iphotlileng. E ne e le Satane eo. E ne e se Modimo. Le a bona? E ne e le Satane eo.

³⁵³ Jwale, ke tseba moeleso wa moyo wa yona. Ho na le ba bararo ba rona ka phaposing ena hona jwale, ba tsebang seo e leng sona. Mme e ka balehisa moriri hlohung tsa lona, empa nke ke ka bolella motho. Le a bona? Batho ba bararo feela, e le bopaki. Jwale, e itoketse kahohle hohle. Kaofela ke . . . Modimo o e tsebile yohle, le ho e hlokomedisa e sa le pele, le ntho e nngwe le e nngwe. Mme re a e tseba. Ebile phoso ya ka ka lehlakoreng le leng, mme ke ne ke ena le ntho e nngwe.

³⁵⁴ Ka—ka na ka emela motho ka mohla, athe ke ne ke sa lokela ho e emela. Nka be ke ne ke mo harole sebete feela. Le a bona? Ho ena le ho e etsa, ka lokela ho e lefa. Ka baka leo, he, ka baka leo, re . . . Ho itoketse. Ke nna, mme ke e tshwaretswe jwale. Mme re tla tswela pele. Le a bona? E.

Amose, temana ena ya 8, “Tau ha e rora ke mang ya sa tl'o tshoha?”

³⁵⁵ Ke tsomme dikgweng tsa Afrika. Nkile ka fihla tikolohong ya ditau. Ke morena wa diphoofolo. Nkile ka robala ka ntle dikgweng bosiu mme ka utlwa ho kakatletsa le mafirtshwane, ho tsheha le ho ngaya, le—le e—le diphoofolo tse fapaneng. Mme a mang a mafirtshwane a ka etsa, ho fetola madi a hao mahlwele ha a ngaya. Mme ho be le mangau, le ho honotha, le ntho e nngwe le e nngwe, le matjeketjane, le borangwako, le ditshwene, le dikete tsa dikete, “skwiki, skwaka.” Ha o tsamaya hohle, o utlwa dintho tse ngata tse etsahalang. Empa ak'o re tau e rore, esita le matjeketjane a thola. Ke kgutso e shweleletseng. Di a thola. Eng? Morena wa tsona o buile. Amen.

³⁵⁶ “Tau ya rora, ke mang ya sa tl’o tshoha? Modimo ha o bua, ke mang ya ke keng porofeta?” Modimo ha a bua, moporofeta o hlaba mokgosi. Le tseba seo ke se bolelang? [Phutheho e re, “Amen.”—Mong.] Moporofeta wa nnete o hlaba mokgosi. Metswalle, O buile. Ka hona, mmopo o mong le o mong wa Mmuso wa Hae o ke o mamele seo A se buileng.

³⁵⁷ Efela ha tau e lemoha hobane phoso e teng, ha e rora, mofo ka mong wa mmuso wa yona o a ikgutsetsa. Ba a mamela. Esita le matjeketjane, le hona, le tlasa mmuso wa tau eo. Ho ngaya ho hwamisang madi ha lefirtshwana, ho a kgutsa. Tlou eo mono, e ka qotsang tau eo, mme ya e dikolosa ka ntho ya yona, “Weee! Weee!” Mme e re tau e rore, e tla kgutsa mme e eme tsi. Ak’o re nare, e ka kgonyang, eka e budutse mollo ka nko ya yona. Ha tau e e qhomela, e ke ke ya e ntsha kotsi ho hang. Ak’o re tshukudu, e nang le dihlomo tsa boima ba ditone tse supileng, ho e hlaba, le ka sefena sa yona. Ak’o re tau e rore, e ikiemela kgenene. Molato keng? Morena wa yona o buile. Le a bona? E batla ho utlwa se tla bolelwaa.

³⁵⁸ Mme ha Modimo o bua, moporofeta o hlaba mokgosi. Mme jwale Mmuso wa Hae o ke o utlwe seo a se buang. Modimo o buile. Mmopo o mong le o mong wa Mmuso wa Hae o ke o mamele seo A se buang.

Ha re rapeleng.

³⁵⁹ Oho Tau, ya leloko la Juda, ema o rore! O a rora tsatsing lena la ho qetela. Mahlo a Hao a sesefetse. O nyaretse fatshe. O bona sebe sa setjhaba sena seo ho thweng ke sa Bokreste le lefatshe. O bona sebe sa setjhaba sena, athe se rekilwe ka Madi a bohlokwa. O bona kamoo borapedi ba diphutheho bo dukelang hodima Lentswe la Hao. Ho bona kamoo baporofeta ba bohata ba leng leshano kateng. Nnete ya Modimo ba e latola.

³⁶⁰ Rora, Oho Tau ya Juda! E re baporofeta ba Hao ba hlabe mokgosi. “Modimo ha o bua, ke mang ya ke keng a porofeta?” Ke Lentswe la Modimo le tswang Bibeleng, le nyolohang le tsamaya ka moporofeta. A ka ikgutsetsa jwang? Ha a ka etsa, a ka phatloha dikoto. Oho Modimo, e re moporofeta wa Hao a purume, Morena. Rora o utlwahatse Molaetsa wa Hao, Modimo, mme mmopuwa e mong le e mong wa Mmuso wa Hao a ke a utlwe.

³⁶¹ Ba ke ba eme. Basadi ba ke ba eme ba itekole. Banna ba ke ba eme ba itekole. Moreri e mong le e mong ya utlwang teipi ena, a eme a itekole, hoba Tau ya lekolo la Juda e a rora. Mme Lentswe la nnete le tlang ho baporofeta, le a bua, le hlaba mokgosi, “Bakang mme le kgutle pele nako e fela.”

³⁶² Modimo, ke neela Molaetsa, o hodima teipi le mokguping wona o bonwang, ho Wena hoseng hona, ka tshepo ya hore O

tlā O paka. Le ho bitsa mora e mong le e mong le moradi wa Modimo, ya leng tlāsa...ya tlā utlwa teipi ena, kapa tlāsa modumo wa kodu, ba tlā kgutlela pakong pele nako e fela.

³⁶³ Mme ke a dumela, Morena, ha O ka roma Amose mona, o ne a tlā hlaba mokgosi wa ntho yona eo. Hoba o ne a sa tl'o hlaba mokgosi...Empa ha e le moporofeta wa Morena, ke moromedi wa Lentswe. O rometse ke Lentswe, ka Lentswe, mme ke Lentswe. Jwale, Morena, e ke e etswe, ka Lebitso la Jesu Kreste. Amen.



TSELAYA MOPOROFETA WA NNETE WA MODIMO SST62-0513M
(The Way Of A True Prophet Of God)

Molaetsa wona, ka Moena William Marrion Branham, o rerilwe sethatong ka Senyesemane hoseng a Sontaha, Motsheanong 13, 1962, Tabernakeleng ya Branham e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org